

GRAAF DE MONTE CHRISTO

DENGEN ISTRINJA

atawa

BINASANJA KAOEM-PENDJAHAT

Samboengan dari tjerita

„Graaf de Monte Christo”

DJILID KA 7.

BAGIAN XLIV.

Monte Christo dateng menoeloeng.

„Ini kali akoe dateng berdjoempa padamoe, aken meminta kaoe poenja pertoeloengan, Abdel Kader. Akoe minta soepaja kaoe soeka kombaliken kamerdikaannja sala satoe akoe poenja sobat sobat jang paling tertjinta, ja, jang akoe tjintaken sebagai akoe poenja anak sendiri. Akoe dateng di sini boeat minta kaoe poenja pertoeloengan aken menghiboerken kombali hatinja satoe iboe, jang sekarang sedeng tangisin poetranja sebagai soeda mati. Doeloe hari akoe perna oendjoeken sedikiet pertoeloengan padamoe, dan kaoe telah bales akoe poenja pertoeloengan itoe dengen djandjian jang kaoe aken loeloesken segala akoe poenja permintaan padamoe. Sekarang soeda dateng temponja aken kaoe teboes kaoe poenja perdjan-

djian itoe, Abdel-Kader. Kasilah padakoe itoe kapitein moeda dari barisan Fransch, graaf Albert de Morcerf."

"O, akoe ingin sekali bisa menoeroeti kaoe poenja permintaan," mengeloeoh Abdel-Kader. „Tapi sajang, sajang sekali...."

Mendengar ini keloehan, Monte Christo jadi sanget terprandjat hatinya.

„Kenapa sajang? Apatah kaoe tida ada koesa aken meloeloesken akoe poenja permintaan?"

„Tjuba kaoe dateng doeа hari di moeka, pasti sekali dengen tida banjak soesa, akoe aken bisa lepaskan kaoe poenja sobat. Di itoe waktoe kapitein de Morcerf dengen toenangannja dan ia poenja sobat masih ada di dalam 'akoe poenja tangan, dan lebi soeroep diseboet akoe 'poenja tetamoe dari pada akoe poenja orang tawanan. Tapi sekarang marika soeda djato di bawa koeasanja sakoempoelan orang orang jang gila agama, djikaloe sadja badan badannja belon terbakar di api sembajangan di Ghirghur."

„Dalem tempat sembajangan di Ghirghur." Monte Christo bertreak dengen kaget. „Di itoe tempat noraka?"

Abdel-Kader laloe tjeritaken pada sobatnya se-gala apa jang soeda kadjadjan, dan kemoedian laloe teroes bitjara:

„Akoe tida bisa berboeat apa apa aken menoeloeng pada marika. Djikaloe akoe berboeat begitoe, itoe Sheik ul Islam pasti sakali tida aken

merasa sangsi aken poetoesken perhoeboengan dengan lakoe. Saantero hari akoe telah pikirken itoe perkara, dan achirnja akoe djadi mengarti, jang diis antero doenia tida ada lagi lain orang jang bisa dan jang brani menoeloeng nasibnya itoe tiga dari pada kaoe sendiri."

"Akoe maoe tjoba." "Ini aken djadi oeroesan jang paling berbahaja di antara semoea jang kaoe soeda perna lakoeken."

"Akoe taoe ini, dan oleh kerna itoe maka akoe moesti lakoeken itoe pertjobahan dengen saorang diri. Djikaloe akoe tida bisa dapetken maksoedkoe, maka biarlah marika poenja koeboer di dalem api djadi tempat koeboerkoe djoega. Akoe tida bisa minta lain orang toeroet padakoe dengen moesti menanggoeng bahaja begitoe roepa."

"Apatah kaoe taoe letaknja itoe tempat sembah jangan?"

"Djikaloe djalan tiga hari meliwati laoetan-pasir, nanti aken kadapetan satoe rentetan boekit. Djalanan itoe menoblos ini rentetan ada sanget nandjak dan tjoepet sekali. Mengikoet itoe djalan-nan orang nanti dateng di satoe kawa. Tempat sembah jangan sendiri ada diberdiriken di terpoe-ternja ini kawa. Dan di dalem ini kawa siang hari malem tida brentinja api kaloeear dari tana."

"Akoe heran sekali kaoe bisa taoe tempat itoe dengen begitoe terang." Abdel-Kader menjataken dengen soeara jang penoe kagoem.

„Akoe soeda perna dateng di sana satoe kali”.

„Apa! Kaoe, saorang Christen soeda perna sampe di itoe tempat! Orang orang Islam poen tida ada jang diidinken dateng di sitoe, djikaloe boekannja memang djadi pengeroes dari tempat sambajangan. Akoe poen belon taoe perna indjek itoe tempat, dan melengken taoe pernanja dari tjeritanja orang. Begimanatah soeda bisa kadjadian, maka pendjaganja itoe tempat sembajang tida dapet liat kaoe di sitoe?”

„Itoe kali kaoe ada pake pakean menjamar, seperti jang ini kali poen akoe aken goenaken. Slamet tinggal, Abdel-Kader. Djikaloe liwat satoe minggoe kaoe belon dapet kabar apa apa tentang sobat sobatkoe soeda katoeloengan, bolehlah kaoe anggep akoe soeda tida ada di doenia. Kerna di dalem hal begitoe tentoe akoe soeda toeroet mendjalani marika poenja nasib.”

„Akoe berdoa, biarlah Allah manganter kaoe poenja perdjalanan, hingga bisa katoeroetan maksoedmoe.”

Sasoedanja mengoetjapken ini perkataan perkaatan, kadoea orang memeloek lagi satoe pada lain, dan kamoedian lantes berpisa. Monte Christo moelai atoer ia poenja ichtiar jang baroe.

Ia boekannja lantes berlaloe dari itoe kota, hanja lebi doeloe mekoendjoengi brapa warong warong dan toko toko, di mana ia beli roepa roepa barang jang ia rasa ada bergeuna di dalem ia poenja oeroesan. Djoega ia ada beli satoe onta, jang ia

goenaken boeat moeat itoe semoea barang barang
 jang ia dapet beli. Maka matahari soeda moelai
 maoe silam di seblaBarat, koetika dengen toeng
 gang itoe onta, dengen plahan ia kaloeear dari
 pintoe kota, jang membri djalanant menoedjoe ka
 laoetan pasir.

Sasoedanja Monte Christo brangkat dari Oran, sabegimana jang soeda dimaksoed, Soeur Marie lantes moelai lakoeken ia poenja kawadjiban kawa-djiban baroe dengen segala soenggoe-hati. Ia poenja pengidoepnn sekarang ada begitoe banjak bedanja dari itoe pengidoepn tida beroena jang ia biasa toentoet di Parijs, hingga saben saat ia dapetken hal hal jang baroe goena dipikir, hingga dengen begitoelah maka liwatnja tempo boeat ia kadjadian dengen sama sakali tida terasa.

Di soeatoe hari, sasoedanja selegeh bersiken loeka loekanja satoe soldadoe, ia pake pakeannja boeat kombali ka tempat menginepnja, dan ia heran sekali koetika meliat bahoea siang soeda terganti dengen malem.

„Toean d'Epinay tento naken merasa koeatir tentang dirikoe,” ia kata dalem diri sendiri sementara dengen tindakan tjebet ia berdjalan di straat. „Akoe sekarang merasa menjesel, jang berkali kali akoe telah toelak ia poenja penawaran aken dateng ambil akoe di sini. Tapi akoe sanget tida soeka moesti menjoesaken padanja, tjoema goenanja dirikoe sendiri sadja.”

gala sampe di satoe tikoengan. Sabegimana biasanya di Oran, itoe djalanan jang diliwatken oleh Soeur Marie tjoema diterangkan dengan lampoe lampoe ketjil, ijang kasi penerangan tida tjoekoep, dan teroetama di itoe biloekan boleh dibilang orang moesti djalan di dalem gelap.

Di sini Soeur Marie dengen kaget merasa dirinja dipegang dengen koeat di tangannja, dan ia denger satoe soeara jang seram berbisik di koe-pingnja:

"Satoe soeara sadja, Zoo-Zoo, dan akoe aken boenoe kaoe sebagai satoe andjing."

Ia poenja hati melajang keloear dari badannja, koetika kenalken itoe soeara jang dioetjapken boekan oleh lain orang hanja oleh Benedetto, jang ia begitoe takoetken.

"Ha," kata ini pendjahat moeda. „Kaoe kira jang kaoe soeda terlepas dari tangankoe boeat selama lamanja, tidakah begitoe, hatikoe jang manis? O, kaoe, pengrawat orang loeka, penoen-djang orang melarat, ijang pake pakean serba item, kaoe telah ikoetken kaoe dalam kaoe poenja kapal sendiri, jang berlajar dekat dibelakangnya Monte Christo poenja kapal, dan sekarang kaoe hendak bawa kaoe kombali ka Parys. Kaoe aken dapet kombali semoea kaoe poenja pakean pakean jang bagoes dan semoea kaoe poenja barang barang permata, dna kaoe aken toentoet lagi pengidoepan jang senang sebagai doeloe doe-loe. Lagi sekali kaoe aken djadi mademoisselle

Zoo-Zoo, lagi sekali, sebab akoe maoe begitoe, kaoe denger?"

"Setan!" berseroeh Soeur Marie dengan soesa kerna tjengkeremannja Benedetto masih menoeloe-toep ia poenja tenggerokan.

Di itoe koetika tida ada satoe orang lain kahiatan di mana itoe djalanjan jang soenji. Benedetto goenaken ini kaadaan jang membikin gampang djalannja ia poenja perboeatan, dengan pondong Soeur Marie ditanganinja jang koeat dan bawa ia pergi dari sitoe. Tapi ini korban, dengan koem-oelkend segala tenaga jang masih ada di dalam dirinya, haloe mendjerit boeat minta pertoeloengan dan kamoedian djato pangsan.

Dengan boeroel boeroe Benedetto ambil djalan menoedjoe ke pelaboean, di mana kapalnya lagi menoenggoe.

Tapi sebelonnja djalan berapa langkah dengan mendadak ia berdjoeempa dengan Franz d'Epinay.

"Lepaskenhlah itoe njonja, orang bangsat!" ia inibkata dengan toendjoeken moeloet pistolnya dimoekane ini orang, "atawa kaoe moesti terima kamati ini diini tempat djoega."

"Lepaskenhlah itoe njonja, orang bangsat!" ia inibkata dengan toendjoeken moeloet pistolnya dimoekane ini orang, "atawa kaoe moesti terima kamati ini diini tempat djoega?"

Roema sembahang dari Ghirghur.

Graaf de Monte Christo dengen pendek telah loekiskeni tempat letaknya itoe roema sembahang dari Ghirghur, jang soeda terkenal di mana mana tempat lantaran kerasnya kapala agama jang pegang koeasa di sitoe melakoeken segala atoeran atoeran agamanja.

Itoe kawa goenoeng jang telah diseboetken djoega oleh graaf de Monte Christo adalah satoe lobang jang bangoennja seperti mangkok dan besarnya ada bebrapa acres. Dan di dalem kawa itoe adalah itoe api jang berkobar siang hari malem dan ada djadi tempat boeat orang sembahangken korban pada setan setan jang dipoedja.

Dalem tempo tempo doeloe, koetika itoe kawa masi memoentaken api dengen sakoeat koeatnya, dari itoe moeloet kawa saben-saben ada mengalir lahar panas dan ini lahar, di dalem ia poenja perdjalanen mentjari lembahan, soeda djadi berlengket di atas tana padas dari boekit-boekit seperti samatjem tana jang berwarna koening dan keras sekali berbaoe seperti welirang. Itoe tana jang seperti mentjorong di sinarnja matahari dari djaoe soeda bisa kaliatan seperti penoendjoek djalan aken menoedjoe ka itoe tempat api jang dianggep soetji.

Sekarang soeda tida ada lahar lagi jang kaloear dari itoe kawa, poen koekoes dan aboe tida kaliatan ditoempaken lagi dari sitoe, tetapi api-nja toch masih berkobar, maskipoen dengen tida begitoe besar seperti doeloe doelenja, dan itoe api di waktoe malem bisa kaliatan dari beberapa mylapoenja djaoe.

Moeloetnja itoe kawa jang berapi roepanja kaliatan seperti satoe soemoer, dan barang siapa bisa tahan panasnja akan dateng deket di itoe tempat, bisa liat di dalem sitoe ada satoe laoetan api, jang mirip sekali kaliatannja dengan api-api tempat hoekoeman di noraka, seperti ada ditjeritan ken dalem dongeng dongeng.

Pemimpin-pemimpin sembajangan di sitoe adalah toeroenan dari kaoem Ghebir, jang di dalem hikajat memang terseboet seperti orang orang jang memoedja api sebagai agamanja. Koetika itoe goenoeng api masih bekerdja dengen sakoeat-koeatnja itoe kaoem Ghebir telah naek di atasnya, dan di deket itoe kawa marika telah berdiriken satoe roema sembajangan jang satenga-boender bangoenna, di mana marika lakoeken marika poenja agama jang makan djiwa manoesia sebagai korban.

Itoe roema sembajangan tinggal tetep berdiri, maskipoen di dalem brapa poeloean taon dari berdirinja, tida brentinja di sitoe ada kadjadian tana gojang jang sanget hebat, dan oleh itoe orang orang dari agama api ini hal dianggep lagi sebagai satoe boekti tentang kasoetjian dan

kakoeasaannja marika poenja agama.
 Koetikan agama Islam dateng oesir itoe agama api dari bagian jang Oetara dari Afrika, itoe kaoem Ghebir kapaksa meninggalken marika poenja tempat tempat sembahang dan di itoe waktoe roema sembahang di Ghirghur didoedoekitoleh kaoemnja nabi Mohamad, jang sekarang di sitoe boekan lagi memoedja pada Setan Api hanja pada marika poenja Allah menoeroet peladjarannja agama Islam, tetapi atoeran-atoerannja itoe agama marika masih teroes lakoeken menoeroet atoeran atoeran jang doeloe dari itoe kaoem Ghebir, dan sampe sekarang poen tida djarang orang orang jang marika anggep berdosa dilemparkan di dalem itoe laoetan api soepaja bisa teboes dosanja dan bisa dinginken Allah ampoenja kamarahan.
 Pemimpin pemimpin agama dalem itoe roema sembahang sekarang dipili dari bangsa bangsa derwish jang telah oendjoeken dirinja bagi orang jang bisa loepaken segala kamanoesiaan aken goenanja agama, dan marika ini, sabelonnja diidin-ken pegang djabatannja di itoe tempat jang loear biasa, moesti bersoempa di hadepan Koran lebi doeloe, jang marika tida aken boeka resianja itoe roema sembahang, sabegitoe lama marika idoep dan maski dipaksa oleh seksaan begimana roepa djoega. Dan kapalanja semoea itoe pemimpin pemimpin agama di Ghirghur adalah Sheik ul-Islam sendiri. Sebegimana ini kapala agama telah kabarken

pada Abdel-Kader di Constantine, ia soeda katemoeeken Albert dan kawan kawannja di tengah tengah laoetan pasir, koetika marika jang terseboet blakanan ini lagi ada di dalam perdjalanan menoedjoe ka Oran.

Albert telah oendjoeken kagagahannja boeat melawan pada orang orang Badoei, kawan kawan itoe Sheik-ul-Islam, aken lepaskan diri sendiri dan dirinya ia poenja temen temen dari tangannya itoe orang orang liar, tapi segala ia poenja ichtiar tinggal sia sia, oleh kerna terlaloe besar djoemblanja ia poenja moesoe moesoe.

Begitoelah kita poenja tiga anak moeda, sa-soedanja terlepas dari tangannya Abdel-Kader, sekarang djato di dalam tangannya itoe Sheik-ul-Islam. Ini orang toea aer moekanja kaliatan sanget girang koetika itoe tiga orang tawanan dibawa mengadep di moekanja, dan ia kenalken marika seperti itoe tiga orang koelit poeti, jang menoeroet kabar kabar, di dalam astananya Abdel-Kader diperlakoeken sebagai anak radja, dan jang ia memang sengadja hendak minta dari ini kapala Arab aken didjadiken korban di itoe tempat sembajangan dari Ghirghur.

Itoe tiga anak moeda ia kirim ka itoe tempat sembajangan, dengan diiringken oleh satoe barisan jang bersendjata lengkap, lantaran hal jang mana djadi moestahil sekali bisa kadjadian, djikaloe sandenja Albert masih ada kandoeng pengharepan aken bisa dapet kasempetan di te-

nga djalanan aken lepaskan dirinja dari itoe bahaja kamatiān kedji jang mengantjam pada dirinja sendiri dan kawan kawannja.

Albert taoe maksoednja Sheik-ul-Islam dengen mengirim ia ka itoe tempat api di Ghirghur. Dalem ia poenja pergaoelan dengen orang orang Arab ia telah dapat mempeladjarken brapaperka-taan dari bahasanja marika iniboeat bisa dengar-ken dan mengarti prenta prenta jang dibriken oleh itoe Sheik-ul-Islam pada kapalanja itoe barisan ketjil jang moesti mengiring Albert ka tempat sek-saannja.

Tapi ia tida ada kasi taoe apa apa tentang ini pada ia poenja temen temen, soepaja tida membikin soesa hatinja marika ini pada sabelon waktoenja.

Eugenie dan Louise hatinja tentoe sadja tida merasa senang moesti djato kombali di tangannja orang orang Arab, tapi toch marika tida poe-toes semoea pengharepan. Marika masih me-ngandel pada Albert boeat kasi marika perlindoe-nGAN, dan kaloe djoega ini kawan sendiri tida bi-sa kasi pertoeloengan jang diharep, begitoelah marika pikir, toch masih ada Abdel-Kader, marika poenja sobat jang berkoeasa, jang tentoe tida nanti tinggalken marika terrampas kamerdika-annja.

Marika sama sekali tida ada sangkaan, jang marika soeda djato dalem tangannja moe-soe jang paling besar dari orang koelit-poeti,

Sheik-ul-Islam, dan sekalipoen marika taoe ini, marika toch tida bisa taoe, nasib apa jang me-noenggoe marika poenja diri.

Marika masih mendoega, bahoea itoe orang orang Badoei ada sabagiannya dari Abdel-Kader poenja balalentara.

Maka di sepandjang djalanan Eugenie masih bisa bersoeka-soeka bertjerita dengen kawannja tentang itoe pertoeloengan jang ia pasti sekali ada harep dari fihaknya Abdel-Kader. Dan samantara menoedjoe ka tempatnya itoe api sembahangan, di mana marika nanti akan dapat marika poenja tempat koeboer, Albert merasa hatinya sanget piloe moesti dengarken itoe tjerita-tjerita jang penoe pengharepan dari ia poenja toenangan dan tida brani bilang apa apa akan membanta.

Di waktoe sore dari hari kadoea sadari marika kena katawan boeat kadoea kalinja, sampelah marika di itoe tempat sembahangan dari Ghirghur.

Di moeka djalanan sempit jang melilit melilit di antara doea poentjak goenoeng marika moesti toeroen dari koedanja dan dengen berdjalan kaki moesti mengikoet marika poenja pendjaga, saorang Badoei, di itoe djalanan jang penoe bahaja, dan di waktoe matahari soeda silem marika melengken dapat penerangan dari tjahaja jang poetjet dari remboelan.

Doea goeroe agama dari itoe tempat sembahangan ada berdiri di oedjoengnja itoe djalanan boeat trima itoe tiga orang tawanan dari tangannya

barisan Badoei, dan sakalian tamen dengar djoega itoe prenta prentanja marika poenja kapala, itoe Sheik-ul-Islam.

Lain-lain djoeroe agama ada dateng lagi, dan dengan diiringken oleh satoe njanjian agama jang berboeninja di dalem koeping ada sanget serem, itoe tiga orang jang bertjilaka di bawa masoek di dalem mesigit dan di ini tempat marika dipisaken satoe dari lain dan ditempatken di dalem satoe kamar masing-masing boeat lamanja doe hari.

Di tengah malem dari hari jang katiga, dengan kaget Eugenie dan Louise telah djadi sedar dari tidoernja, lantaran denger soearanja orang di dalem marika poenja kamar. Soeara itoe adalah dari anem djoeroe agama jang pake pakean pandjang, disoelam penoe dengan hoeroef hoeroef Arab. Dengan pelan marika dateng mendekati tempat tidoernja ini doe nona, dan sasoedanja dateng di ini tempat pembaringan marika lantes sama njanjiken satoe lagoe jang sanget boeas seraja gojang-gojangken badannja menoeroet itoengan dari itoe njanjian.

Lantaran soearanja njanjian inilah itoe doe nona soeda djadi kaget dan sedar dari tidoernja. Marika banggoen dari tidoer dan tinggal mengawasken itoe kadjadian loear biasa dengan sanget terprandjat.

Koetika itoe lagoe soeda seleseh dinjanjiken, satoe di antara itoe anem djoeroe agama laloe

membri keterangan dalem bahasa Fransch: „Bangoenlah, anak anak dari satoe bangsa jang terkoetoek,” ia kata, „Api sembahangan dari Ghirghur lagi berkobar terang sekali; api itoe adasanget ingin aken trima badanmoe sebagai oempah.”

Sekarang dengen mendadak dengen tjara jang sanget kasar itoe doeanah djadi dapat taoe tentang adanja bahaja jang menoenggoe pada marika. Marika djadi poetjet sebagai semoea daranja soeda kaloeear dari toeboehnja, dan Louise soeda ampir ampir sadja djato pangsan di itoe saat djoega. Eugenie, jang hatinja ada lebi tetap dari pada ia poenja kawan, lebi banjak memikirken dirinja Albert dari pada ia poenja diri sendiri.

„Dan kita poenja kawan jang satoe,” ia menanya, „apatah ia djoega moesti toeroet mati seperii kita orang?”

„Pasti sekali,” mendjawab itoe djoeroe Agama. „Menoeroet prentanja kita poenja Sheik jang berkoeasa.”

„O, dibakar dengen idoep-idoepan. Sanget kedjem sekali,” menangis Louise.

„Kita poenja nasib ada di dalem tangannja jang maha Soetji,” Eugenie tjoba bikin sabar pikiranja ia poenja kawan. „Dan oleh kerna begitoe kita tida boleh menjangkal.”

Itoe doeanah sigra djoega bangoen berdiri. Louise memeloek pada kawannja dengen masi teroes menangis dengen sasenggoekan.

„Ja poen aken toeroet mati bersama-sama kita orang,” Eugenie pikir dalem hati sendiri. „Sedikietnya poen di dalem ikatis kita iaken tinggal berkoempoei.”

Ini pikiran ada membri tjoekoep penglipoeran padanja aken bisa stoentoen Louise kaloeear dari itoe roema berhalan dan ikoet itoe anem djoeroe agama menoedjoe ka tempat api.

Di deketnya itoe api ada ditaro satoe batoe besar jang boender. Dan di atas ini batoe ada satoe korsi, di mana kaliatan Sheik-ul-Islam lagi berdoedoek. Ini orang moesti soeda kombali di itoe malem djoega boeat atoer oepatjara jang perloe boeat itoe pembakaran. Di seblanja itoe korsi ada berdiri brapa poeloe djoeroe-djoeroe agama jang berpakean satoe roepa seperti itoe anem jang tadi telah dateng ambil Engenie dan Louise dari kamar tidoernja.

Albert poen soeda sedia di sana. Ia poenja moeka ada sanget poetjat, tapi dari bibirnya jang terkantjing rapet orang boleh dapet kapastian jang ia telah tetep pikirannja aken pikoel ia poenja nasib sebagai satoe lelaki. Meliat ia poenja toenangan, Eugenie lemparkens dirinja dalem sia ini poenja peloekan, seraja mengoetjap:

„Sedikietnya kita aken mati bersama-sama!”

„Sajang, djantoeng-hatikoe, jang kita tida bisa idoep bersama-sama,” mendjawab Albert sementara menjioem toenangannya.

„O, tapi akoe tida maoe mati sama sekali,”

kadengeran Louise menangis lagi dengen remes-remes tangannja. „Akoe masic singin sekali bisa idoep teroes dan bisa poelang kombali ka akoe poenja negeri asal.” Sheik-ul-Islam, jang berdandan lengkap dengan ia spoenja pakean kabesaran, berdiri dari tempat doedoeknja, dan dengen angkat kadoea tangannja ia oetjapken bebrapa perkataan Arab. Mendenger ini, semoea itoe djoeroe djoeroe agama laloe menjanji dengen berbareng. Itoe menjanjian, di dalem satoe bahasa jang tida biasa boeat koepingnja, gerakan-gerakan jang mengikoeti ini soeara njanjian, dan soearanja itoe api di dalem djoerang jang katioep angin, ini semoea tida bikin lebi koerang riboetnja pikiran dari itoe tiga korban, jang anggep dirinja soeda ada di noraka, lebi-lebi dari pada ada di doenia. Sasoedanja itoe lagoe seleseh dinjanjiken, Sheik-ul-Islam laloe kasi dengar lagi soearanja. Samentara ia berdiri di moekanja ia poenja pengikoet-pengikoet, ia poenja pengawakan kaliatan tida begitoe lemah, sedeng ia poenja soeara poen kadengerannja ada lebi njaring dari pada koetika ia ada di moeka Abdel-Kader.

„Pengikoet-pengikoet Islam jang setia,” ia berkata. „Djoeroe-djoeroe agama dari Ghirghur, kamoe orang jang belon perna memperhatiken kapentingan diri sendiri, dan salamanja malaenken inget pada kabesaran dari Allah, dengarkenlah

akoe poenja tjerita. Akoe soeda dapet tawan ini tiga orang dari bangsa kafir di tengah laoetan pasir, dan akoe soeda kirim marika kamari boeat didjadiken korban dalem kita poenja api sembajangan. Kaoe toenggoe akoe poenja tanda aken lemparken marika di dalem itoe laoetan api, jang sekarang soeda kadengeran menderoe-de-roe aken minta oemannja. Sekarang, djanganlah kamoe djadi heran, djikaloe akoe kasi taoe pada kamoe, jang kita poenja nabi telah meliatken Dirinja jang soetji di matakoe. Tadi, wak-toe masih ada di laoetan pasir, Mohamad telah meroepaken dirinja padakoe dan ia telah pesen, djangan akoe landjoetken niatkoe. Ini tiga orang kafir djangan dibakar."

Koetika dengar ini tjerita itoe semoea djoeroe-djoeroe agama djadi sama mengrendeng lantaran sanget heran. Marika mengawasken satoe pada lain dengen tida dapet omongan aken mendjawab tjeritanja marika poenja kapala.

Di itoe koetika dengen sakoenjoeng koenjoeng ada kadengeran satoe soeara mendjerit:

„Satoe penipoe jang tida taoe maloe doedoek di akoe poenja korsi. Akoe ini adalah Sheik-ul-Islam jang toelen.“

Satoe orang toea, dengen menjender pada toeng-katnja, ada kaliatan di moeka pintoe. Dengan plahan dan dengan kaki jang tida tetap saking lemah atawa kagetnja, ia madjoe ka moeka.

„Siapatah adanja itoe orang jang begitoe brani

seboet akoe ada satoe penipoe?" menanja itoe orang jang doedoek di atas korsi Sheik. „Ia adalah satoe bangsat jang paling besar. Liatlah, Allah aken kasi kasaksiannja!"

Dengen blon abis mengoetjapken ini perkataan, ia soeda toeroen dari korsinja dan bertindak menoedjoe ka pinggiran kawa. Ia lemparken satoe boengkoesan di dalem itoe laoetan api. Di sa-koetika itoe djoega, itoe api djadi padem, dan tjoema ada asep poeti sadja jang kaliatan naek dari itoe kawa.

„Adjaib! Adjaib!" sekarang itoe djoeroe-djoerroe agama sama bertreak. „Allah telah oetara-ken soearanja. Api dari Ghirghur telah djadi pa-dem. Lemparlah di dalem kawa, itoe orang jang soeda brani hinaken kita poenja Sheik."

Dengen tida banjak bitjara lagi marika laloe tangkep itoe orang toea jang baroe dateng dan lemparken-ia di dalem kawa.

Di ini saat api di dalem kawan sigra berkobar kombali dengen sama mentjorongnjia seperti ber-moela.

Semoea itoe djoeroe djoeroe agama djadi poe-tjet.

„Boekan kaheranan! Boekan perkara adjaib!" marika berseroe. „Api sekarang moelai berkobar kombali. O, apatah jang kita orang soeda berboeat!"

„Soeda matiken kaoe orang poenja Sheik sen-diri," kadengeran mendjawab satoe soeara jang

santer! Itoe Sheik palsoe di atas korsi sekarang lempar ia poenja pakean menjaroë dan berdiri seperti tameng di moekanja Albert dan ia poenja doeë kawan. „Kaoe soeda korbanken kaoe poenja Sheik sendiri, kaoe orang-orang gila. Akoe ini adalah Graaf de Monte Christo.”

Ajoe disip i Abah Pintu kekakoe i ose direktor jhoë. „Ade sebutas zuur centraal politieke en bestuurlijke organisatie. Onderstaande tabel toont de verschillende Abah-chefs die sinds 1945 aan de macht waren. In de tabel staan de naam van de chef, de periode waarin hij aan de macht was, de naam van zijn voorganger en de naam van zijn opvolger. De tabel geeft een overzicht van de belangrijkste politieke partijen die in de loop der jaren aan de macht waren.

Deze tabel is gebaseerd op de gegevens die door de verschillende partijen werden gepubliceerd. De tabel geeft een overzicht van de belangrijkste politieke partijen die in de loop der jaren aan de macht waren. De tabel geeft een overzicht van de belangrijkste politieke partijen die in de loop der jaren aan de macht waren.

Deze tabel is gebaseerd op de gegevens die door de verschillende partijen werden gepubliceerd. De tabel geeft een overzicht van de belangrijkste politieke partijen die in de loop der jaren aan de macht waren.

Deze tabel is gebaseerd op de gegevens die door de verschillende partijen werden gepubliceerd. De tabel geeft een overzicht van de belangrijkste politieke partijen die in de loop der jaren aan de macht waren.

Deze tabel is gebaseerd op de gegevens die door de verschillende partijen werden gepubliceerd. De tabel geeft een overzicht van de belangrijkste politieke partijen die in de loop der jaren aan de macht waren.

Deze tabel is gebaseerd op de gegevens die door de verschillende partijen werden gepubliceerd. De tabel geeft een overzicht van de belangrijkste politieke partijen die in de loop der jaren aan de macht waren.

Deze tabel is gebaseerd op de gegevens die door de verschillende partijen werden gepubliceerd. De tabel geeft een overzicht van de belangrijkste politieke partijen die in de loop der jaren aan de macht waren.

BAGIAN XLVI.

Nasibnja Mam'selle Zoo Zoo.

Dengen etjara begimanatah Graaf de Monte Christo soeda bisalakoeken itoe kaadjiban? Dengen akal apatah ia soeda bisa pademken, maskipoen tjoema boeat satoes meniet, itoe api dari Ghirghur, jang itoch soeda berkobars dari beriboe-riboe taon lamanja zonder brenti barang sasaat. Saderhana sekali dengen kakoeatannja obat-obatan.

Di antara itoe roepa-roepa barang, jang ia telah beli di Constantine, sabelonnja moelai ia poenja perdjalanan jang berbahaja, adalah djoega brapa pond welirang. Itoe boengkoesan jang ia telah lemparken di dalem kawa ada berisi ini obat.

Koetika ini welirang berbakar oleh api, maka soeda kaloeear dari sitoe banjak sakali dari saroepa asep, jaitoe asep welirang, jang koeat memboenoet segala stroepa idoep. Lantaran pengaroenja ini asep, itoe api poen telah dijadi padem, tapi soeda berkobar kombali, koetika asepnya soeda terham-boer oleh angin.

Tapi Monte Christo poenja maksoed soeda katoeroetan. Itoe djoeroe-djoeroe agama soeda boenoe marika poenja kapala sendiri, marika telah lakoeken dosa jang paling berat menoeroet marika poenja agama. Itoe Sheik ul-Islam sendiri tida perloe dikasiani. Ia sekarang melengken soeda djato sendiri di dalem itoe soemoer, jang

ia soeda galih boeat berpoeloe-poeloe orang Christen dalem salamanja ia memegang koeasa.

Tapi kabraniannja Monte Chirsto melakoeken ia poenja akal telah bikin itoe djoeroe-djoeroe agama djadi seperti gagoe, seperti soeda djadi mati pikirannja. Marika poenja djoembla ada bebrapa ratoes, samentara Monte Christo poenja ihak, melengken terdiri dari ampat orang sadja, dari jang mana masih ada doea orang pram-poean.

Di dalem marika poenja kagemesan, boeat itoe djoeroe-djoeroe agama tida ada soesa apa-apa, aken pegang djoega Graaf de Monte Christo dengan kawan-kawannya, boeat lemparken marika di dalem itoe kawa api djoega. Kita poenja graaf poen sampe taoe tentang adanja ini bahaja. Pasti sekali itoe djoeroe-djoeroe agama aken berboeat begitoe, kaloe marika dikasi kesempatan boeat sedar dari kagetnya, dan oleh kerna itoes maka ia merasa, perloe sekali sekarang ia mendeloeken pada marika:

„Sasoedanja sekarang Sheik jang doeoe djadi binasa, siapatah jang moesti menggantiken ia poenja kabesaran?” ia menanja.

„Akoe,” kata satoe goeroe agama toea, dengan madjoe ka moeka.

„Kaloe begitoe, maka akoe membri salam padamoe seperti pada Sheik jang baroe.”

Dari laga-lagoenja ini djoeroe agama toea menerima Monte Christo poenja salam, kita poenja

graaf dapet taoe, bahoea itoe orang boekannja tida soeka meliat Sheik jang doeloe djadi tiwas, hingga sekarang dengen terlebi lekas ia dapat kasempatan aken gantiken pangkatnja.

„Biarlah akoe bitjara padamoe, Sheik jang moelia,” Monte Christo teroesken bitjaranja. „Bitjara lahal koe boeat koe poenja diri sendiri dan boeat koe poenja kawan-kawan jang lain. Akoe aken bitjara boeat akoe poenja kawan-kawan ini. Djikaloe sasoedanja dengarken akoe poenja tjerita, koe masih kandoeng ingetan boeat lemparkan kita orang di dalem itoe kawa api, bolehlah koe berboeat menoeroet koe poenja soeka. Kita tida aken melawan.”

Itoe Sheik baroe kasi tanda dengen tangannja pada ia poenja kawan-kawan, soepaja moendoer bebrapa tindak, dan kamoedian ia mendjawab :

„Omonglah, graaf.”

„Lebi doeloe koe moesti inget,” kata Monte Christo, „bahoea boekannja akoe, hanja kace dengan koe poenja kawan-kawan jang soeda angkat tangan pada koe poenja Sheik, hingga bikin ia-ini poenja mati. Djikaloe orang nanti dapat kabar tentang ini kamatiian, pastilah jang orang aken mendoega, bahoea koe soeda sengadja boenoe padanja, sebab ia telah idoep terlaloe lama boeat menjadi koe poenja kabaekan, tegesnya, bahoea koe soeda singkirken padanja, soepaja terlebi lekas koe bisa gantiken ia poenja pangkat.”

„Memang begitoe,“ mendjawab itoe Sheik baroe dengan moeka gelap. Terang sekali jang ia poenja spikiran poen tida bersi dari itoe toedoe-han jang baroesan dioetjapken olehnde Monte Christo.

„Itoe doegahan aken membuat lembek kaoe poenja kadoedoekan dan djoega kadoedoekannja kaoe poenja kawan-kawan, jang nanti aken dipandeng seperti orang-orang jang telah toeroet membanjoe kaoe melakoeken kaoe poenja perboeatan perkosa. Sabaliknja, djikaloe kaoe kasi keterangan pada orang, bahoea itoe pengorbanan jang hendak dibikin di sini di ini malem telah membuat morka pada Allah, dan bahoea Allah poenja rasoel sendiri telah meroepaken dirinja di ini tempat, di moeka kamoe orang, boeat teroesken Allah poenja prenta, soepaja akoe poenja tiga-tiga kawan dikasi kombali marika poenja kamerdikaan, orang banjak nanti aken pandang lebi soetji lagi ini tempat sembajangan. Dan kaloe kaoe, salainnya begitoe, kasi keterangan bahoea kaoe poenja Sheik jang doeloe telah terboenoe oleh pedang api dari itoe rasoel lantaran hendak banta Allah ta' Allah poenja tita, orang banjak nanti aken membilang, bahoea di dalem hal begitoe memang pantesna itoe Sheik dapet kabinasaan.“

„Apa jang itoe orang Kafir tjerita memang betoel begitoe,“ sekarang itoe djoeroe-djoeroe agama jang lain rame-rame sama mengoetaraken pikiran-

nja. Marika poenja pikiran roepanja sekarang merasa ada legahan sedikiet, oleh kerna dapat djalan aken menjingkiri satoe kasoekaran jang boekan ketjil.

„Soepaja orang banjak nanti bisa pertjaja kaoe poenja istjerita,“ Monte Christo landjoetken omongannja, „kamoe orang moesti lepaskeri kita berlaloe dari sini. Kita aken djadi orang-orang Christen jang pertama kali perna indjek kaki di ini tempat sembahangan dari Ghirghur, dan ini hal sadja soeda ada satoe kaheranan besar. Di sepandjang djalan kita nanti aken siarken tjerita, bahoea kita poenja idoep telah ditoeloeng oleh satoe oetoesan dari Allah, jang toeroen dari langit, dan kita nanti aken memberarken kaoe poenja alesan, begimana Sheik-ul-Islam jang lama telah terboenoe oleh pendangnya itoe oetoesan-Allah, lantaran ia tida maoe menoeroet titah aken kasi kita-orang pergi.“

„Kaoe ada sama tjerdknja seperti satoe oeler,“ mendjawab itoe Sheik jang baroe dengan bermessam. „Maskipoen begitoe, kaoe poenja daja-oepaja ada membantoe terdjadinya akoe poenja kainginan-kainginan. Maka kaoe dengan kawan-kawanmoe, bolehlah lantes brangkat dari sini dengan dami.“

Mendengar ini perkataan, kagirangannya kita poenja orang-orang tawanan soeda tida mengenal wates lagi. Marika laloe peloek-tjioem satoe sama lain. Dan koetika marika soeda seleseh mengendoek kagirangan hatinja, marika berlaloe dari itoe tempat jang ampir djadi koeboernja, dengan menoenggang koeda-koeda Arab jang bagoes dan

dengen bawa sanget banjak barang-barang perse-
nan, jang telah dihadiaken pada marika oleh itoe
djoeroe-djoeroe sembahang Arab.

Marika menoedjoe teroes ka Oran, kota jang
mana marika sampeken pada brapa hari blakangan,
dan di ini tempat marika poenja kasenangan dapet
ganggoean lagi, oleh kerna dapet dengar kabar
tentang itoe kadjadian sedih, jang telah kadjadian
di dalem waktoe Graaf de Monte Christo mela-
loeken diri aken menoeloeng sobat-sobatnya.

Koetika Benedetto dapet liat Franz d'Epinay
tjaboet pistoolnya, ia lepaskan Soeur Marie dari
tangannya, dan sigra tjaboet ia poenja stiletto,
jang sanantiasa ia ada bawa di mana saboeknya.
Dengen ini sendjata ia laloe menikam ka djo-
roesannya ia poenja moesoe, jang hendak meng-
halangi ia poenja maksoed, aken bawa kombali ka
Parys ia poenja katjintaan lama.

Itoe stiletto masoek di dadanja Soeur Marie, jang,
koetika ia dapet taoe tentang adanja bahaja jang
mengantjam Franz poenja djiwa, soeda lemparkan
dirinja aken didjadiken tameng boeat badannya
itoe lelaki jang ia tjintaken dengen resia.

Franz tarik pelatoeknya ia poenja pistool, tapi
sebab di ini koetika badannya Soeur Marie djoest-
troe djato di tangannya dengen berloemoeran dara,
maka peloeroe jang kaloebar dari itoe sendjata
djadi tida mengena toedjoeannya.

Waktoe Benedetto dapt liat, bahoea boekan-nja Franz, hanja ia poenja bekas katjintaan sendiri jang soeda djato djadi korban dari ia poenja tikaman, ia sigra melariken diri, sedeng itoe orang bangsawan, jang sekarang repot moesti memikiri Soeur Marie poenja kaslametan, tida bisa kadjar padanja.

Soeur Marie, dengen ia poenja kadoea tangan, peloek Franz poenja leher, seraja berkata dengan soeara jang soeda djadi sanget lembek:

„Akoe binasa. Sekarang baroelah akoe dapt hak aken menjioem padamoe.”

Berbarang dengen mengoetjapken ini perkataan-perkataan, ia poenja bibir meneken moeloet-nja Franz, dan sasoedanja berboeat begitoe, itoe nona jang tjilaka lantes djato pangsan.

Franz, dengen sanget terkedjoet, laloe pondong itoe nona dan bawa ia dengen satjepet-tjepetnja ka roëma penginepan. Di sini Soeur Marie ditaro di atas pembaringan, dan bebrapa dokter jang tinggal paling deket di sitoe laloe dipanggil. Sasoedanja atoer semoea ini Franz laloe pergi ka tempat politie aken mengasi kabar tentang apa jang soeda kadjadian. Dengan tjepep pembesar politie laloe ambil atoeran-atoeran jang perloe aken memikat pemboenoenja, tapi di itoe waktoe Benedetto soeda tida dapt ditjari di Oran. Ia soeda lama melariken diri kaloear dari ini kota.

Dokter-dokter jang dioendang sigra djoega da-

teng dan preksa Soeur Marie poenja loeka. Sa-soedanja seleseh, marika laloe panggil Franz sendirian, dan kasi taoe pada ini orang moeda, bahoea marika itida ada pengharepan, aken bisa toeloeng Soeur Marie poenja djiwa.

Itoe loeka dia loearnja melengken ada mengloearken dara sedikiet sadja, tapi kaloearnja dasar di dalem badan ada sanget banjak, dan djoestroe ini jang marika tida bisa bikin brenti. Djoega marika menerangken, jang Soeur Marie paling lama masih adate tempo boeat hidoeprapahari lagi sadja. Boleh djadi djoega ia aken meninggal zonder lebi doeloe bisa sedar dari pangsanja.

“Kasian, kasian!“ Franz berkata, samentara aer mata ada kaloeear dari matanja. „Ia telah korban-ken djiwanja boeat akoe poenja kaslametan!“

Kamoedian Franz kombali samperin Soeur Marie di pembaringannja, dan ia pikir-pikir, apatah jang mendjadi sebab boeat ini nona berkata, sekarang ia ada hak boeat menjioem padanja.

Koetika sinarnja matahari pagi moelai-moelai masoek di sela-selanja djendela, ia serahkan pendjagaan dari Soeur Marie pada satoe djoeroe rawat, dan ia sendiri pergi masoek tidoer boeat boeang tjape.

Belon brapa lama ia poeles, soeda ada orang jang bangoenin dan kasi taoe padanja, Soeur Marie sekarang sedar dari pangsanja, dan ingin katemoe dengen ia.

Koetika Franz masoek di kamarnja si loeka, ia dagedken ini nona berdoedoek di pembaringan dengen badannja ditoendjang oleh beberapa bantah jang ditaro di mana blakangnya.

Dengen ia poenja pakean jang poeti, parasnja Soeur Marie kaliatan lebi manis lagi, dan dengen melekat-kamatian soeda melajang-lajang di moeka matanja, itoe nona kaliatannya lebi soeroep dengan satoe bidadari dari pada dengen satoe orang biasa.

Matanja Soeur Marie kaliatan lebi menjala, dan satoes senjoeman jang beroentoeng ada memaen di bibirnya, koetika ia angsoerken tangannya sendiri di dalem tangannya Franz d'Epinay.

„Dokter dokter pasti sekali bri taoe padamoe, toean, bahoea soeda tida ada pengharepan aken djiwakoe bisa ditoeloeng,“ ia berkata dengen soera plahan tapi anteng. „Apatah tida betoel begitoe? Sabentar lagi akoe soeda aken dapat tempo mengaso, mengaso boeat salama-lamanja. Bilanglah padakoe dengen sabetoelnja. Kaoe liat, akoe sama sakali tida takoet boeat trima nasikoe.“

Marika berada dalem kamar dengen sendirian. Koetika Franz masoek di kamar, orang-orang lain, jang tadinja ada djaga Soeur Marie, telahoendoerken dirinja Franz tida bisa kasi djawaban atas pertanyaan jang ditoedjoeken padanja ia toendoeken kapalanja, dan dengen ia poenja tangan jang satoe ia sapoe kadoea matanja, jang telah menjadi basa oleh kerna mendengar itoe perkataan

perkataan gagah dari satoe nona lemah jang soeda menghadapi kamatiannja. „Melengken satoe hari sadja akoe soeda daper kasempetan aken bantoe rawat soldadoe-soldadoe jang loeka,” Soeur Marie teroesken bitjara. „Apatah kaoe pikir, jang Toehan aken pandeng ini soeda tjoekoep boeat bisa mengam-poeni akoe poenja dosa-dosa. Akoe ingin sekali aken bisa meneboes akoe poenja dosa dengan mendjalanken pengidoepan jang penoe dengan pengorbanan di tenda-tenda kamar sakit. Tapi sekarang semoea ini soeda liwat. Belon ada doeabelas orang-orang sakit jang telah daper pertoeloengan dari tangankoe. Apatah ini soeda tjoekoep boeat akoe meneboes dosakoe.? Apatah Toehan aken maoe trima akoe di dalem tamannja, akoe, saorang jang djahat tapi sekarang penoe dengan rasa sesalan ?“

„Ah, Soeur Marie, kaoe boekannja manoesia. Kaoe ada satoe bidadari,” achir-achir Franz paksa dirinja boeat berkata.

Mendengar in poedjian dari lelaki jang ia tjinta, satoe senjoeman jang penoe koeatir ada kaliatan memaan di bibirnja Soeur Marie.

„Oh, kaoe tida taoe,” ia berkata ddngen soeara jang lemah. „Sabetoelnja akoe tida ada niat aken tjerita apa-apa padamoe. Tapi kaloe akoe soeda mati, kaoe brangkali nanti dengar dari lain orang tentang hal jang sekarang akoe hendak pegang rasia, dan kaloe sampe kadjadian begitoe, brang-

kali kaoe lantes djadi membentji pada dirikoe."

Sasoedanja mengoetjapken ini perkataan-perkataan Soeur Marie djatoken kombali ia poenja kapala di atas bantal, dan dari alisnya jang berkeroot bisalah kaliatan bahoea ia poenja pikiran lagi merasa sangsi sendiri antara maoe tjerita dan tida maoe tjerita.

Kamoedian, dengen pegang tangannja Franz dan tekan ini dengen sakoeatnja tenaga jang masi ada di dalem toeboehnja, seperti dengen berboeat begitoe ia maoe koempoelken lebi banjak katabahan hati, ia laloe tjeritaken segala hikajatnja. Ia poenja pengidoepan sebagi anak ketjil, ia poenja dateng di Parijs, ia poenja riwajat di dalem ini kota, ia poenja djato dalem pengidoepan latjoer. Tida ada satoe hal, maskipoen jang paling memboesoeken pada dirinja, ia resiaken. Djoega ia tjeritakan, dengen tjara begimana Graaf de Monte Christo telah angkat ia dari djoerang pelatjoeran dan telah kasi ia kasempetan boeat toentoet satoe pengidoepan baroe. Sasoedanja dirinja terlepas dari tangannja Benedetto dan kawan-kawannya jang kotor, ia telah berdjoempa dengen Franz. Ia ini di dalem matanja ada berroepa sebagi satoe dewa di dalam itoe doenia jang baroe dan jang lebi bersi, di mana ia baroesan masoek. Poen ia soeda begitoe brani boeat mendendam tjinta pada lelaki itoe, tapi itoe tjinta adalah lebi mirip sebagi tjin-tanja satoe andjing pada madjikannja. Sekarang ia soeda deket maoe mati, maka dengen njawanja

jang paling pengabisan ia stjeritaken hikajatnja pada Franz, dengen pengharepan soepaja ia-ini djanganlah pikir terlaloe renda tentang dirinja.

Soeur Marie ada sanget lemah koetika ia selesekken hikajatnja, dan Franz andjoerken kadoea tangannja boeat bisa tangkep Soeur Marie, jang djatoken diri dalem orang poenja peloekan.

Riwajat sedih jang ia baroesan dapat dengar telah bikin kaget padanja. Ia sama sekali tida ada poenja doegahan, bahoea ia telah terbitken tjinta pada dirinja di dalem hatinja itoe nona. Ia telah dapat rasa sympathie boeat Soeur Marie poenja maksoek, hendak belaken dan rawat orang orang jang dapat loeka-dalem perklaian, zonder taoe apa-apa tentang alesan-alesan jang telah bikin Soeur Marie toentoet ini kewadjiban. Ia telah perlakoeken Soeur Marie dengen hormat, saba-gimana memang patoetnja saorang lelaki bang-sawan memperlakoeken saorang prampoean. Ia melengkem soeda sanggep Soeur Marie sebagai sobatnja, lebih dari sabegini tida.

Tapi ia sekarang taoe, apa sebabnja maka Soeur Marie sampe soeda lompatken dirinja di antara ia dan Benedetto boeat bisa alingken ia dari bahaja kamatian. Itoe pikiran bahoea Soeur Marie sekarang lagi tarik napasnja jang pengabisan boeat ia poenja kaslametan, itoe sanget membikin hatinja terharoe.

„Tida sameniet akoe aken pikir renda tentang dirimoe,” ia mendjawab. „Akoe ingin sekali se-

karang bisa menoeloeng djiwamoe, sabagimana kaoe soeda menoeloeng padakoe. Satoe perboeatan moe ini sadja soeda ada banjak lebi berharga dalem mata Toehan, dari pada sembajangnya betriboe-riboe orang di dalam gredja. Oh, Marie, kaoe aken djadi satoe melekat jang paling soetji di dalem tamannja Toehan. Dan akoe tida nanti brenti memoedjiken, soepaja di sorga kaoe bisa dapet lebi banjak pengiboeran dari sebegimana di sini kaoe telah dapetken."

"Sekarang akoe bisa mati dengen merasa senang," mendjawab Soeur Marie lagi.

Satoe senjoeman manis memaan di bibirnya jang poetjet, samentara ia poenja kapala djato ka moeka di atas poendaknya Franz. Ini hal bikin hatinya ini orang moeda djadi terkedjoet, hingga satoe treakan kloear dari moeloetnya, dan mendengar ini treakan, orang-orang jang lain dengen sigra foeroet masoek di dalem kamar.

Sasoedanja lakoeken pamereksaän lagi, dokter kasi taoe, Soeur Marie belon meninggal. Ia tjoema soeda djato pangsan lagi, nanti sabentar ia tentoe aken sedar kombali, tapi segala pengharepan boeat bisa toeoloeng djiwanja soeda linjap.

Masi bebrapa hari lagi Soeur Marie tinggal idoep dalem kaadaän begitoe, dan ia masih idoep koetika Graaf de Monte Christo sampe di Oran dengan Albert, Eugenie dan Louise. Pertemoean antara Albert dan Franz tentoe sadja soeda kadja-

dian dengen penoe kagirangan, tapi toch itoe kagirangan ada dibikin gelap oleh itoe mega kamati-an, jang menoetoepi moekanja Soeur Marie.

Franz anterken marika masoek di dalem kamar. Di sitoe Graaf de Monte Christo berloetoet di moekanja pembaringan, dan Soeur Marie, itoe bekas orang pelatjoeran jang batinnja soeda di tjoetji bersi dengen ia poenja rasa tobat, lagi sekali dapet sempat aken memesam pada ia poenja peneloeng. Tapi mesam ini adalah boeat jang pengabisan kali, dan tinggal teroekir di moeloetnjia Soeur Marie, sasoedanja melepaskan napasnja jang pengabisan.

Di satoe podjokan jang tedoeh dari tempat makan, Soeur Marie dikoeboerken oleh sobat-so-batnja. Di sitoe ia tidoer di bawa satoe batoe peringatan jang sanget saderhana, di mana meleng-ken ada tersoentik nama: „Soeur Marie.” Dan di bawanja ini nama Graaf de Monte Christo telah soeroe oekir ini satoe kalimat: „Banjak jang aken diampoeken padanja, kerna ia telah menjinta banjak djoega.”

Mercedes poeoes pengharepan.

Ampat minggoe telah berlaloe sadari Graaf de Monte Christo telah berdjandji pada Mercedes, dalem itoe roema ketjil di Allee de Meillan, dalem Kota Marseille, aken pergi ka Afrika, boeat tjari taoe apa Albert masih idoep atawa soeda mati.

Di dalem doea minggoe jang pertama ia telah menoenggoe dengen sabar, sebab hatinja ada penoe pengharepan boeat bisa trima kabar baek dari toean Graaf tentang ia-ini poenja perdjalanan.

Tapi koetika sabegitoe banjak hari telah liwat, dan belon sadja ia trima kabar jang di toenggoe-toenggoe, hatinja moelai djadi menjesel kombali dan pengharepanja, moelai djadi loemer.

Dalem kaadaan jang begini ini ia dapet perkoendjoengan dari madane Herminie. Ini pram-poean doerhaka telah dateng boeat selesehken ia poenja bagian dalem itoe persakoetoean jang doerdjana. Barons Danglars telah dateng kombali di Parijs, dan telah tjerita padanja, bahoea Albert de Morcerf telah dihoekoem mati atas ia poenja prenta.

Itoe baron ada bawa proces verbaal dan soerat soerat jang sah dari itoe pamejeksaän. Di ini

soerat-soerat dengen tangan sendiri ia telah tambahken keterangan, bahoea itoe hoekoeman jang di djatoken oleh Raad Militair, dengen sa-soenggoenja telah di djatoken sabegimana moestinja. Semoea ini soerat-soerat ia telah serahken pada Kantor Perang, sedeng ia sendiri soeda ambil toeroenannja boeat di kasiken pada ia poenja istri, toeroenan mana, boeat menambahken kapertjajaän, ia telah soeroe boeboehi dengan tjap negri.

Dengen bersendjata ini soerat-soerat madame Herminie telah dateng di roemanja Mercedes.

„Akoe bentji sanget padamoe,” begitoel ia kata „dan itoelah sebabnja maka akoe dateng di sini, boeat membikin antjoer hatimoe.”

„Apatah jang akoe soeda perna berboeat pada dirimoe, hingga bisa menerbitken kabentjian jang begitoe hebat dalem hatimoe ?” menanja Mercedes dengan soeara kaget.

„Akoe bentji padamoe sebab di dalem segala perkara kaoekaliatan ada lebih bersi dari akoe,” madame Herminie mengakoe dengen lakoe jang sangetskoerang adjar. „Sasoedanja ilang kaoe poenja kadoedoekan dalem pergaoelan, sasoedanja ilang kaoe poenja soeami dan moesna kaoe poenja kakajahan olehe pengaroenja itoe tangan djoega jang telah menerbitken akoe poenja katjilakaän, kaoe boekannja inget sama pembalesan, hanja berbalik menjioem, itoe tangan jang menjatroe

padamoe. Kaoe tinggal tetap dijadi satoe melekat penerangan, sementara akoe soeda dijadi iblis kagelapan. Pengidoepankoe mingkin damasoeda dijadi semingkin ambles dalem segala pertjomberan. Akoe sekarang ingin tarik kaoe kabawa, sampe di tingkatan akoe sendiri berada." „Kaoe ingin akoe dijadi satoe?" „Djadi pemboeka satoe roema djoedi?" madame Herminie landjoetken perkataannja Mercedes dengan soeara keras. „Ja, memang akoe ingin begitoe. Dan kaoe tida perloe merasa maloe boeat seboet itoe perkataän. Itoe pertjomberan di mana sekarang akoe idoep masih ada poenja lobang-lobang jang lebi dalem lagi."

„Akoe merasa kasian meliat dirimoe," Mercedes kata sebab soeda tida dapat perkataän-perkataän lain boeat mendjawab.

„Akoe tida perloe dapat kaoe poenja kasian," Herminie mendjawab dengan goesar.

„Boeat akoe poenja diri soeda tida ada kasian di ini pinggiran dari lobang koeboer, dan djoega tida ada kasoetjian di loearnja. Akoe sekarang ada kaja sakali, loear biasa kaja. Akoe poenja pakerdjaan ada mendatengken kaoentoengan bilang joeta banjaknja, tapi toch, dengan semoea akoe poenja joeta'an itoe akoe tida bisa dapat beli kahormatan, sabeginama kaoe ada dapat dari orang. Akoe tida bisa bikin hingga akoe berdiri berdjedjer dengan kaoe, poen akoe tida bisa

bikin kaoe jadi begitoe renda seperti akoe. Tapi akoe bisa bikin kaoe mendapat perasaan, bahoeas kaoe soeda idoep terlaloe lama: akoe bisa bikin kaoe ingin mentjari kamatian dengen tangan sendiri, soepaja bisa jadi terlepas dari kaoe poenja kasengsaraan."

"Melengken ada satoe hal di ini doenia, jang bisa bikin akoe menjadi bosen-idoep, sabegimana kaoe tadi tjerita, jaitoe katentoean, bahoea betoel poetrakoe soeda binasa."

"Kaloe begitoe mari, terimalah ini soerat soerat." mendjawab madame Herminie dengen merasa penoe kapoeasan di dalem hatinja jang djahat. "Batjalah ini soerat-soerat, dan di sitoe kaoe nanti dapetken itoe katetapan, bahoea kaoe poenja poetra telah ditembak mati atas prentanja Raad Paperangan di Afrika. Batjalah soerat ini, dan pergilah mentjari kamatianmoe sendiri."

Sahabisnja mengoetjapken ini perkataan-perkataan madame Hermine kaloeear dari itoe roema, tapi ia masih tinggal di deketnja. Di dalem kebon, di blakangnja itoe roema, ada satoe veranda, jang katoetoep sama sekali dengen poehoen anggoer. Dengen semboeni di itoe tempat ia bisa liatken dari satoe djendela ketjil, segala apa jang kadadian di dalem roema.

Sasoedanja ia kaloeear dari kamar dan toetoep pintoe di blakangnja, Mercedes ambil itoe soerat-soerat jang diftinggalken oleh tefamoe. Sakoetika

lamanja ia tida bisa batja itoe letter letter jang ada ditoelis disitoe, ia ada dapet perasaan seperti djoega satoe awan jang tebel ada menoetoepi ia poenja mata.

Tapi plahan-plahan ia poenja pengliatan djadi lebih terang, dan bisalah ia batja proces verbaal jang telah dibikin oleh itoe Raad Perang di Afrika. Dengan tida bisa bergerak badannja, ia batja o e soerat sampe seleseh.

Koetika soeda seleseh membatja, itoe sapotong soerat djato dari tangannja. Ia poenja dada kailiatan berombak, tetapi ia tida dapetken tenaga boeat toempaken aer matanja. Malahan ia dapet perasaan seperti djoega soeda djadi ilang ia poenja semoea kakoeasaan atas sakoedjoer badannja.

„Barones Danglars bilang, akoe soeda idoep terlaloe lama, dan akoe rasa bahoea itoe pikiran memang tida sala.”

Begitoe ia mengoetjap dengan soeara jang lemah dan kakoe boeninja. Tjoba satoe di antara ia poenja kenalan-kenalan di itoe koetika ada berdiri di deketnja dan dapet dengar itoe perkataan-perkataan dioetjapken, tentoelah ia tida aken bisa kenalken itoe soeara seperti soearanja Mercedes. Memang soeda sering dioetjapken, bahoea di dalem kabingoengan atawa kasoesahan jang sanget besar, dalem hal jang mana boleh dianggep kita poenja aloes soeda tida ada lagi di toeboeh kita, ada satoe tenaga lain, jaitoe

tenaga „somhambule” jang menggeraken kita poenja tingka.

Madame Hermine, jang samentara itoe masih tinggal berdiri di ia poenja tempat mengoempet, dapet liat begimana Mercedes tarik dapoer areng ka tengah-tenganja kamar. Di dalem itoe dapoer masih ada katinggalan apinja, kerna Mercedes ada mempoenji kabiasaan aken masak di sitoe ia poenja makanan jang sadarhana.

Madame Hermine, itoe iblis jang melengken berbadan sebagi manoesia, awasken sadja, begimana Mercedes toendoeken kapalanja di atas itoe dapoer dan dengen sakoeatnja tenaga iroep dengan idoengnja itoe hawa-hawa jang membawa kamatiian, jang kal ear dari itoe api areng batoe.

In daja boeat mentjari kamatiian diteroesken oleh Mercedes sampe kira-kira saperampat djambalanja. Kamoedian ia djadi pangsan dan djato di atas tana.

„Akoe rasa, itoe soeda tjoekoep boeat ia,” madame Hermine mengrendeng. „Tida ada satoe orang aken dateng di ini tempat, dan sabelonnja limabelas meniet lagi berlaloe, tentoelah itoe oeap ratjoen jang masih kaloeear dari itoe perapian aken soeda bisa selesekken ia poenja pakerdjaan, binasaken djiwanja itoe pramroeán jang akoe begitoe bentji. Ia tentoe bisa dipastiken aken pergi menjoesoel ia poenja Albert di dalem acherat. Sekarang selesehlah akoe poenja pakerdjaan.”

Dengen senang, seperti satoe orang jang soeda dapet liat maksoednya jang paling tinggi terkaboel, madame Hermine berlaloe menoedjoe ka station kreta post. Sasampenja di sini ia dapetken ini kreta lagi maoe brangkat. Di dalem kreta melengken masi ada satoe tempat jang terboeka, dan begitoelah, sasoedanja dengen lekas-lekas bajar harganja tempat, ia lantes naek di atas kreta.

Koetika itoe kreta djalan liwat di deket plaboean, koesir kreta membri salam pada satoe kapal, jang baroesan masoek di pelaboean. Madame Hermine doedoek dengen membalik dari fihak laoetan, tjoba tida begitoe, nistjaja ia djadi sanget terkedjoet, koetika mendapat liat itoe anak moeda jang pertama-tama, dengen mendoeloeken semoea kawan kawannja, lontjat ka darat dari itoe kapal.

Anak moeda itoe adalah Albert. Ia poenja rasa koeatir tentang nasibnya ia poenja iboe tida briken ia tempo boeat mengaso. Dengen tinggalken kawan kawannja di blakang, ia sigra lompat ka darat, dan lari menoedjoe ka roema iboenja, soepaja ini iboe bisa dapet boektinja bahoea ia poenja poetra masi idoep di dalem ini doenia.

Koetika sampe di mana itoe roema ketjil, ia mengintip dari djendela, dan itoe pengliatan jang ia dapetken di dalem kamar ada tjoekoep hebatnya aken bikin ia poenja dara brenti mengalir.

„Iboe, iboe!" ia menangis

Dengen sakali lompat ia soeda sampe di mana pintoe, jang sigra djoega ia soeda dorong sampe

terboeka, dan dengen treakan jang sanget sedih, ia lompat teroes masoek di dalem kamar. Dengan tangannja jang koeat ia pondong iboenja ka tempat jang terboeka, jaitoe di dalem kebon ketjil, di mana, doeae poeloe taon jang berselang, Edmond Dantes telah bisa bikin Mercedes mengakoe tentang katjintaannya.

„Iboe, iboe!“ ia menangis sambil tjoemai Mercedes poenja antero moeka. „Iboe, iboe! sedarlah; akoe soeda kombali di sini, akoe, kaoe poenja Albert. Iboe, iboe, akoe masih idoep, akoe dateng kombali di sampingmoe. O, iboe kenapatah kaoe tida bisa tahan sabar brapa meniet lagi sadja. O, kenapatah kita tida bisa sampe di sini satoe djam lebi doeloe?“

Mercedes, di dalem pangannja, dengen samarsamar ada denger soearanja ia poenja poetra. Ia poenja mata djadi terboeka boeat sabentaran, dan dengen satoe mesam manis, sebagi mesamna bidadari-bidadari didalem sorga, ia bales treakannja ia poenja anak.

„Albert,“ ia kata. „Albert, O, Allah telah oendjoeken berkahnja padakoe. Ia telah idinken akoe boeat berkoempoel dengen kaoe di dalem sorga.“

„Boekan di sorga, iboekoe,“ mendjawab Albert, jang hatinja sekarang djadi penoe dengen kagirangan, lantaran meliat iboenja masih idoep. „Tida di sorga, tapi di doenia. Akoe soeda datang kombali di sampingmoe, dan boeat sal-

ma-lamanja akoe tida tinggalken lagi kaoe begini sendirian."

Sekarang Mercedes dengen terang bisa mengarti bitjaranja ia poenja anak. Itoe impian jang ngeri sekarang soeda liwat.

"Albert, poetrakoe! anakkoe! Idoep! O, kaoe masih idoep. Akoe soeda mengimpi hebat sekali, anak. Akoe mengimpi jang kaoe soeda mati, dan akoe soeda tjoba memboenoe diri, soepaja bisa soesoel kaoe di dalem sorga."

Dengen tida mengoetjap sapata perkataan lagi, Albert laloe peloek iboenja jang ia begitoe tjinta. Disini koetika Graaf de Monte Christo dengen kawan-kawannja sampe di itoe tempat, dan marika poenja hati merasa piloe, meliat itoe pertjintaan antara poetra dan iboe.

Albert laloe peloek iboenja jang ia begitoe tjinta. Disini koetika Graaf de Monte Christo dengen kawan-kawannja sampe di itoe tempat, dan marika poenja hati merasa piloe, meliat itoe pertjintaan antara poetra dan iboe.

BAGIAN XLVIII

Valentine katoeloengan.

Kita moesti moendoer kombali di dalem kita poenja tjerita sampe di itoe waktoe, koetika Maximiliaan Morrel berlaloe dari poelo Monte Christo dengen penoe pengharepan di dalem hatinja aken lekas boleh bertemoe kombali dengen istri njaoe.

Dengen slamet ia sampe di Treport dan dengen sanget terboeroe-terboeroe ia djalan di itoe djalan jang menoedjoe ka ia poenja astana. Di pintoe astana ia berdjoempa dengen ia poenja soedara, Julie.

Ini njonja, koetika dapet liat soedaranja, memandang pada Maximiliaan, seperti djoega ia dapet liat satoe setan. Ia toch soeda tida brani harep, bahoea soedaranja masih idoep.

„Kaoe liat,” Maximiliaan berkata dengen tida sabar. „Akoe masih idoep. Akoe soeda dateng kombali. Lekaslah kaoe pergi panggil Valentine.”

Tapi Julie tida bergerak dari tempatnja ia berdiri. Ia poenja moeka beroba djadi lebi poetjet lagi, dan dari bibirnya ada kadengeran soeara seperti satoe soeara tangis jang tertahan,

Meliat ini gelagat dari soedaranja, Maximiliaan djadi sanget terkedjoet, dan dengen pegang Julie poenja njali dengen koeat-koeat, ia berseroe dengen napsoe:

„Kaoe roepanja sama sekali tida merasa girang

meliat akoe dateng kombali. Kaoe roepanja soeda djadi bisoe sama sekali. Ajo, lekaslah boeka kaoe poenja moeloet, dan bilanglah padakoe, apa artinja ini semoea. Di mana sekarang Valentine ada? Kenapa kaoe tida lekas lekas panggil ia dateng kamari? Oh, Allah jang maha koeasa, apatah satoe perkara djelek soeda kadjadian padanja, di dalem waktoe akoe tida ada?"

"O, soedarakoe kaoe tida taoe," sekarang Julie mendjawab dengen soeara sedih.

"Akoe tida taoe apa apa," mendjawab si soedara jang tida sabar menoenggoe orang poenja tjerita.

"Apa kaoe tida berdjoempa Graaf de Monte Christo?"

"Akoe berdjoempa. Lantaran pertoeloengannja ini graaf dan sobat-koe Franz d'Epinay, maka akoe sekarang masih idoep, dan bisa dateng kombali di ini tempat. Tapi akoe tida soeka bitjara tentang kadjadian kadjadian jang soeda menimpa dirikoe. Akoe ingin taoe, apa jang soeda kadjadian di sini. Graaf de Monte Christo tida ada tjerita apa-apa padakoe."

"En toch saharoesnja ia soeda bisa tjerita apa-apa, soepaja kaoe tida terlaloe kaget menerima warta...."

"Menerima warta apa?"

"Pikoellah nasibmoe sebagimana haroesnja satoe laki-laki, Maximiliaan. Valentine telah ilang!"

"Mati?"

„Tempo-tempo akoe dapat perasaan,” begitoe Julie mendjawab pertanyaan soedaranja, „bahoea ada lebi baek boeat ia tjoba ia sasoenggoenja mati.”

Mendengar ini djawaban jang sanget terang, tapi toch djoega tida terang, Maximiliaan djatoken dirinja di atas satoe batoe, dan toetoepi moekanja dengen ia poenja tangan. Hatinja merasa tida tjoekoep koeat, aken minta keterangan keterangan jang lebi njata dari ia poenja soedara.

Julie djatoken ia poenja diri di atas loetoetnja, di sebla ia poenja soedara. Dan dengen soeara jang menoendjoeken terharoenja ia poenja hati, ia tjeritaken pada Maximiliaan, teniāng halnja monsieur de Villefort poenja minggat dari roema sakit Bicetre, tentang halnja ia poenja dateng di Treport dan tentang halnja ia bawa lari Valentine.

„Brapa hari lamanja kita telah tjari dengen tida berhasil, di tempat mana kaoe poenja istri ada dioempetken,” Julie teroesken ia poenja tjerita. „Kemaren baroelah Emmanuel bisa dapat kabar jang pasti tentang tempat semboeni dari itoe orang toea edan.”

„Ha, djadi sekarang kaoe taoe, di mana Valentine ada,” Maximiliaan menanja dengen giring. „Dan Emmanuel telah pergi boeat bawa ia poelang kemari? Julie, Julie, kenapatah kaoe sekarang menangis dan bikin hatikoe djadi antjoe lantaran koeatir?”

„Toekang-toekang pendjaga oetan ada membawa kabar, bahoea itoe tempat sembahang jang toea di dalem oetan sekarang ada orangnya jang tinggali. Marika soeda masoek di dalem itoe roema dan di sana berdjoempa dengen satoe lelaki toea. Orang toea ini ampir tida ada pake-pakean, dan pakean jang ia masih ada pake, itoelah lebi mirip diseboet kain-kain pitjahan. Ia poenja ramboet dan ia poenja koemis jang pandjang roepanja belon taoe disisir, dan matanja ada berkilat sabegimana matanja saorang gila. Soeda tida bisa disangkal lagi, bahoea itoe orang toea betoel ada toean de Villefort, jang soeda kamboe kombali ia poenja penjakit ingetan. Koetika dapet liat itoe pendjaga pendjaga oetan masoek di tempat tinggalnya, ia sigra bertreak sabegimana satoe binatang liar, dan masoek ka satoe lain roeangan. Sabentar lagi ia kombalii lagi dengen Valentine. Kaoe poenja istri ia pegang koeat-koeat dengen satoe tangan, sedeng di dalem tangannya jang lain ada kaliatan berkilat satoe piso ketjil.

„Kaoe telah dateng di sini boeat rampas lagi akoe poenja anak, boekan?” ia menanja dengan soeara tida sehat. „Kaloe begitoe, kenapatah kaoe orang tida maoe dateng lebi deket dan tjoba ambil ia dari tangankoe.”

„Beberapa orang antara itoe pendjaga pendjaga oetan madjoe satindak, dan koetika meliatini gerakan, lantes itoe orang toea jang edan toedjoeken lantijpnja iapoenja piso ka djoeroesannja Valentine

poenja hati hingga semoea orang lantas mengarti, apa artinja ini antjeman. Djikaloe marika maoe paksa djoega aken rampas Valentine dari tangan-nja, tentoelah, sebelonnja marika bisa berboeat begitoe, itoe orang toea lebi doeloe aken soeda boenoe anaknja sendiri."

„Dan Valentine ?”

„Ia melengken minta, soepaja itoe orang-orang berlaloe dari itoe tempat. Apatah lain jang ia bisa berboeat ?”

„Beginatah kaadaannja ia tinggal di sitoe ?”

„Roepanja ia ada seperti saorang jang moesti menanggoeng lapar. Sadari itoe orang gila masoek di itoe roema sembahang, belon satoe meniet ia perna tinggalken Valentine sendirian. Dan di itoe tempat tida ada sakeping barang jang bisa dimakan, poen tida ada saketes barang jang bisa diminoem. Di dalem ia poenja kaadaan, itoe orang toea tida merasa kaperloeannja aken dapet makan, dan djoega ia tida bisa mengarti, begimana besar adanja seksaan jang ia soeroe anaknja pikoel.”

„O, Valentine,” Maximiliaan dengen soeara piloe menjataken kasiannja pada ia poenja istri.

„Itoe pendjaga-pendjaga oetan, sabegimana jang telah diprenta pada marika oleh Valentine, sigra djoega berlaloe dari itoe tempat, dan dateng di sini aken tjeritaken pada kita orang apa jang telah kadja dian. Emmanuel telah pergi ka itoe tempat sembahang, boeat liat, dengentjara begimana ia bisa menoe-loeng nasibnja kaoe poenja istri, tapi akoe koeatir,

jang ia poen tida nanti bisa dapet hasil dari ia poenja ichtiar."

"Dan akoe sabegitoe lamanja masih ada di sini," mendjerit soedaranja dengan soeara berapi, "sa-mentara akoe poenja istri sekarang ada terantjam bahaja jang bisa mendatengken binasa. Tida haroes akoe diseboet satoe soeami, djikaloe akoe tida lantas dateng aken menoeloeng padanja. Akoe taoe tempatnya itoe roema sembahang. Slamet tinggal, soedarakoe, kaoe tida aken dapat liat akoe kom-bali di sini, djikaloe akoe tida bisa bawa Valentine bersama-sama."

Dengan terboeroe-boeroe ia peloek soedaranja aken membri slamet tinggal dan laloe lari menoedjoe ka djoeroesannja oetan. Julie awasken padanja, sampe ia soeda tida bisa kaliatan lagi dari blakangnya papoehoenan jang lebet, dan achirnya ia masoek kombali di dalem astana, dengen membilang pada diri sendiri :

"Toean de Villefort tentoe aken boenoe anaknya sendiri, djikaloe ia kenalken Maximiliaan jang maoe dateng membri pertoeloengan pada istrinya."



Martjoenja itoe roema sembahang masih berdiri maskipoen lotjeng-lotjeng di sitoe soeda lama telah dibawa pergi. Diloeurnya itoe martjoe ada satoe balcon batoe jang sempit, jang sedari doeloe memang telah dibikin dengen tida pake loneng.

Emmanuel Herbault telah pergi di itoe tempat sembahang, dan soeda dapet liat di sana toean de Villefort dan Herminie. Tapi ia poen telah moesti ngalamken kadjadian saroepa djoega seperti tadi pagi itoe pendjaga-pendjaga oetan.

Sekarang dengen poetoes pengharepan dan dengen tida mempoenjai daja lagi ia maoe balik kombali ka roema, koetika di dalem oetan ia berdjoempa dengen Maximiliaan.

Kadoea ipar saling berpeloekan, dan dengen sedikit perkataän Emmanuel terangken doedoekna perkara.

„Kita aken pergi lagi di itoe roema sembahang,” berkata Maximiliaan.

„Ini tida aken beroena soeatoe apa,” mendjawab ia poenja ipar. „Djikaloe dapet liat kaoe di sini, toean de Villefort aken djadi bertamba sengit, hingga Valentine poenja kaadaan aken djadi bertamba berbahaja sadja.”

„Maskipoen begitoe, akoe moesti berboeat apa-apa. Akoe soeda sampe di achirnja akoe poenja daja.”

Emmanuel mengarti, bahoea dalem kaadaan jang begitoe, tida bakal mengasi goena apa-apa, maskipoen ia membantah kahendakna ia poenja ipar, dan begitoelah marika berdoea kombali ka itoe tempat sembahang.

Sasampenja di sana marika menampak satoe pamandangan ngeri. De Villefort lagi berdiri di atas balcon dari martjoe, dengen pegang Valentine di

tangannja. Djikaloe sakali sadja bertindak sala, marika berdoea tentoe soeda aken djato antjoer kabawa.

Valentine peloek lehernja ia poenja ajah dengan sakoeat-koeatnja sebab merasa dirinja terlaloe lemah boeat melawan. Dengan meramken matanja ia telah serahken sadja dirinja pada nasibnja jang aken dateng. Toean de Villefort memandang ka atas, dan dengan soeara njaring ia seperti menjebot pada Toehan.

Marika berdoea tida memandang ka bawa, dan lantaran begitoe marika tida liat Maximiliaan dan Emmanuel mendatengi. Jang terseboet pertama rasanja sampe seperti tida berani bernapas, kerna koeatir bisa djadi lantaran dari binasanja ia poenja istri jang tertjinta.

„O, Ajah jang ada di Sorga,” kedengeran de Villefort berkata. „Kaoe taoe, begimana besar akoe poenja tjinta pada anakkoe. Kaoe telah liat, begimana orang telah ganggoe padakoe, begimana orang telah koeboer akoe di dalem kamar-kamar di bawa tana. Poen sasoedanja akoe minggat, orang masi sadja oeber-oeber dirikoe, jang orang begitoe ingin bawa kombali ka tempat seksaan. Marika bermaksoed maoe pisaken akoe dari akoe poenja anak, dari akoe poenja Valentine jang tertjinta. Achir-achir akoe telah dateng tjari perlindoengan di ini tempat sembahangan, tapi poen di sini akoe tida bisa tinggal dengen senang. Kaoe taoe, bahoea di ini doenia soeda tida ada tempat boeat akoe ber-

lindoeng. Oleh kerna itoe akoe maoe dateng di tempat-moe dengen akoe poenja anak. Akoe bermoehoen kapadamoe, O, Ajah jang ada di Sorga, kasilah toeroen kaoe poenja tangga penerangan soepaja kita bisa naek dengen senang, dan bisa dapetken perlindoengan 'di kaoe poenja damping."

Di ini saat sinar matahari ada memaen di itoe balcon, dan lantaran di poetoes-poetoes oleh bajangannja tangke-tangke poehoen, sasoenggoenja ada mirip sedikit dengen satoe tangga. De Villefort dapet liat ini hal, dan satoe senjoeman jang menoendjoeken poewas ada memaen di bibirnya.

„Trima kasi, Toehan jang berhati moera,” ia mengoetjap. „Kaoe telah mendengarkan akoe poenja doa dan telah toeroenken itoe tangga sorga, jang Jacob telah dapet liat dalem impian-nya. Marilah, Valentine, marilah anakkoe, marilah ikoet ajah naek ka sorga.”

Ia peloek Valentine lebi rapet di dalem tangan-nya dan djalan teroes ka pinggirannya balcon.

Seperti lantaran disorong oleh satoe pirasat. Maximiliaan dan Emmanuel memboeroe ka banja itoe balcon, dan pentangken kadoea tangannja, seperti satoe djaring.

Sasaät kamoedian doeä badan menoësia djato dari atas di dalem itoe doeä pasang tangan jang dipasang, dan oleh kerna beratnja, sampe Maximiliaan dan Emmanuel djadi toeroet djato terpental. Begimana semoea itoe telah kedjadian, itoelah tida bisa dibilang, tapi Maximiliaan da-

petken dirinja tzelentang di atas tana, dengen Valentine djato menoempang di atas dadanja. Brapa tindak lebi djaoe Emmanuel tengkoeroep di atas badannja Monsieur de Villefort.

Maximiliaan telah dapet sakit lebi banjak dari pada istrinja. Ia poenja kapala rasanja maoe petja, sedeng matanja berkoenang, oleh kerna kerasnja ia djato. Toch ia bersoekoer pada Toehan, lantaran soeda bisa tahan djatonja Valentine, hingga ia ini tida dapet halangan soeatoe apa, tapi tjoema djadi pangsan lantaran kaget sadja.

Sasoedanja liwat brapa meniet Valentine sedar dari pangsannja, dan paling bermoela kadoea matanja memandang pada ia poenja soeami.

„Betoel-betoel sabegimana ajah soeda bilang,” ia kata, „ia telah bawa akoe ka sorga.”

„Kaoe soeda katoeloengan, Valentine,” Maximiliaan ampir mendjerit oleh kerna girangnya, sementara ia tjioemi moekanja ia poenja istri. „Betoel-betoel kaoe soeda katoeloengan?”

Kamoedian Maximiliaan tjeritaken pada Valentine tentang semoea ia poenja seksaan, tentang tjaranja ia ditoeloeng oleh ia poenja sobat, Franz d'Epinay dan achirnya djoega tentang ia poenja terboeroe-boeroe berdjalanan poelang, aken bisa lekas berdjoempa kombali dengen istrinja.

Valentine dengarkan semoea ini tjerita dengen satoe senjoeman jang penoe kagirangan memaen di bibirnya. Dan koetika Maximiliaan soeda abis tjerita, ia laloe peloek lehernja itoe soeami jang

ia begitoe tjinta, dan tjioemi antero moekanja dengen tjioeman-tjioeman jang penoe api.

„Benar sebegimana kaoe bilang. Kita sekarang soeda koempoel lagi satoe sama lain. Kita poenja seksahan telah liwat, dan sekarang melengken tinggal kasenangannja sadja, kasenangannja sampe di achir-achirnja ini doenia.”

„O, djantoeng-hatikoe,” Maximiliaan membales menjioem pada istrinja.

Emmanuel, jang melengken dapet sedikit loeka-loeka enteng di badannja, dengen diam-diam toe-toepi moekanja toean de Villefort dengen ia poenja satangan. Kamoedian ia hamperi tempatnja Valentine dan Maximiliaan berdoedoek, dan dengen soeara jang terharoe, ia berkata :

„Toeant de Villefort soeda mati.”

BAGIAN XLIX.

Antara tjinta dan kawadjiban.

Dan Haydee, Lady Monte Christo, Princes dari Yanina? Apatah jang telah kadjadian pada dirinja?

Begimanatah ia soeda idoep di dalem itoe tempo berboelan-boelan lamanja sadari ia terpisah dari soeaminja? Begimanatah adanja ia poenja kalakoean pada itoe Lord Hartleigh, jang ada dendam tjinta padanja, tjinta pada istrinja toean-roema, jang telah pertjajaken pada ia poenja rasa-kasopanan aken melindoengken istrinja boeat segala antjeman, di dalem waktoe ia pergi mendjalanken kawadjiban aken membrei pertoeloengan pada sobat-sobatnya?

Sabeginama kita telah dapet taoe di bagian moeka dari ini tjerita, Lord Hartleigh telah beroentoeng bisa toeloeng Haydee dari bahaja kamatian di dalem aer, dan djoega ia soeda bisa toeloeng itoe princes dari serangannja Said Pasha dengan ia poenja kawan-kawan. Boeat semoea ini Haydee merasa perloe aken menoendjoeken bertrima kasinja pada itoe bangsawan Inggris dengan ia poenja senjoeman-senjoeman jang paling manis.

Ini semoea kita soeda taoe, tapi kita wadib toetoerken pada pembatja, apa jang lebi djaoe soeda kadjadian sadari serangannja itoe Said Pasha dapet dibikin gagal.

Haydee roepanja ada merasa senang boeat pikat hatinja Hartleigh lebi kentjeng di dalem ia poenja djaring. Saben hari ia merasa perloe aken berdandan dengen tjakep dan aken pake semoea ia poenja pakean-pakean iang bagoes, soepaja dengen tjara begitoe ia bisa kaliatan terlebi elok di dalem matanja lelaki jang roepanja ia sendiri ada maoein.

Dengen memaenken *guzlanja* sering-sering Haydee njanjiken njanjian-njanjian pertjintaan, tida lagi di dalem bahasa Timoer, jang Hartleigh toch tida bisa mengarti, tapi di dalem bahasa Fransch, dan kadang-kadang djoega di dalem bahasa Ingris, bahasa mana ia soeda dapet paham-ken di dalem tempo sabentaran Hartleigh ada berdiam di tempatnya.

Dalem ia poenja kalakoean pada Hartleigh poen Haydee saben hari beroba. Di tengah-teganja pertjakepan jang paling manis, kadang kadang dengen mendadak dan zonder sebab satoe apa, ia poe-toesken itoe pertjakepan, dan berbalik djadi sanget dingin pada tetamoenja. Tempo-tempo ia tida seboetken namanja ia poenja soeami sampe beberapa hari lamanja, tapi kadang-kadang ia tida brentinja memoedji Graaf de Monte Christo poenja kadermawanan, ia poenja kasoetjian hati, ia poenja iklas pada sobat-sobatnya, dan lain-lain poedjian jang mengangkat tinggi soeaminja sendiri poenja nama.

Tempo-tempo ia merasa senang, begitoe se-

nang sampe tida brenti katawa dengen girang, sedeng kadang-kadang ia bisa menangis, zonder ada lantaran soeatoe apa.

Apatah sebabnya itoe semoea ? Itoelah Lord Hartleigh tida taoe. Sedikietnya ini bangsawan Inggris mengakoe tida taoe, djikaloe ditanja oleh Zuleika, jang samentara itoe tida brentinja mengawasken djalannja perkara.

Tapi Zuleika tida merasa senang dengen ini keterangan. Ia toelis satoe soerat jang dikirimken pada adresnya Graaf de Monta Christo di Parijs, aken mengasi kabar pada ini graaf tentang segala roepa jang di dalem ia poenja tempo pergi ada kadjalanan di astananya.

Ini soerat sampe di tangannya Graaf de Monte Christo, koetika ini orang bangsawan sampe di kota Parys, bersama-sama dengen Albert, Mercedes, Eugenie, Franz dan Louise d'Armilly. Dan boekannja tjoema ini soerat sadja jang me-noenggoe datengnya toean graaf di ia poenja roema di itoe iboe kota, hanja ada banjak lagi jang lain-lain, jang kita blon taoe, dari mana datengnya.

Tapi apatah Lord Hartleigh dengen sasoeng-goenga ada begitoe gelap pikirannya, seperti ia ada kata pada Zuleika, hingga Haydee poenja perboeatan-perboeatan ia tida bisa mengarti maksoednya dan djoega tida ada timboelken pengharepan apa-apa di dalem pikirannya ? Djikaloe ia sedeng berada di dalem ia poenja

kamar jang soenji, dan ia pikirken apa jang tadi ia baroe bitjaraken dengen ia poenja njo-nja-roema jang elok, roepa-roepa pikiran ada memaan di dalem ia poenja otak dan hati jang menangoeng rindoe.

„Apatah boleh djadi ?” begitoelah ia menanja pada diri sendiri. „Apatah boleh djadi, jang akoe soeda bisa bangoenken perasaan tjinta di dalem hatinja njonja graaf ? Apatah Graaf de Monte Christo soeda bisa berlakoe begitoe kliroe, koetika ia oekoer tjintanja njonja graaf pada dirinja, hingga dengen senang ia merasa bisa tinggalken istrinja sendirian di bawa akoe poenja lindoengan ? Atawakah brangkali njonja graaf soeda rasaken itoe tjinta pada dirikoe, dengen melanggar ia poenja rasa kewadjiban sendiri, dan tjinta jang ia kandoeng itoe adalah satoe rasa-tjinta jang meloepaken tida beda dengen itoe tjinta jang membakar hatikoe sendiri ? Demi Allah ! Akoe melengken telah berdjangdji, jang akoe aken findes akoe poenja rasa tjinta, akoe boekannja berdjangdji jang Haydee tida aken djato tjinta pada dirikoe. Maskipoen begitoe, akoe toch aken merasa legah tjoba Graaf de Monte Christo bisa lekas balik kamari ”

Baroe sadja ia berpikir begini, lantes pikirannja soeda djadi beroba lagi. Ia inginken, soepaja Graaf de Monte Christo djangan sampe kombali di roemanja sendiri. Toean graaf telah brangkat pergi aken oeroes satoe pakerdjaan jang sanget berbahaja. Moesoe-moesoenja ada mengantjam pada

kaslamatannja dari segala fihak. Dan achirrija Graaf de Monte Christo poen melengken ada satoe manoesia biasa, hingga boekannja satoe perkara moestahil, kaloe ia djadi binasa lantaran tangannja moesoe-moesoe itoe. Maskipoen boleh sadja dian-deken, jang Graaf de Monte Christo aken bisa terlepas dari bahaja jang dateng dari fihak moesoe-moesoenja, boekantah masi ada beratoes roepa bahaja jang lain, jang mengantjem di ladang-ladang dan di tenga-tenga laoetan ? Boekantah saben hari sadja ada beratoes, djikaloe tida beriboe manoesia, jang moesti kailangan djiwanja lantaran katjilakaan terlanggar ombak besar, angin riboet, badjak laoet, dan warna-warna bahaja jang lain lagi ? Sampe sekarang soeda liwat tiga boelan lebi lamanja sadari Graaf de Monte Christo moelai brangkat, dan hingga sekarang ia belon perna trima kabar apa-apa jang menjataken toean graaf masi ada di dalem kaslametan. Tjoba Haydee atawa Ali, itoe boedak gagoe, ada trima kabar begitoe, ia tida merasa sangsi lagi, ia poen tentoe aken dikasi taoe djoega.

Tjobalah andeken jang Graaf de Monte Christo soeda tida ada lagi di ini doenia ? Sakoetika lamanja Lord Hartleigh djadi mengkirik, Itoe ka-inginan, jang moega-moega betoel Graaf de Monte Christo telah djadi binasa dalem perdjalanannja jang banjak bahaja, kainginan mana boeat sasaat lamanja Hartleigh tida bisa tindes dari pikirannja, bikin ini orang moeda merasa, seperti djoega ia

soeda djadi pemboenoenja itoe orang bangsawan.

Kamoedian ia moelai pikirken, begimanatah nanti aken terdjadi, apabila betoel ada kadjadian begitoe roepa.

Haydee aken djadi merdika. Ia aken tinggal berkaboeng boeat sakoetika lamanja atas meninggalnya ia poenja soeami, tapi sasoedanja tempo kaboengan liwat, ia aken dapet kombali ia poenja kamerdikaan, aken menika lagi dengen orang lain. Dan ialah jang nanti dapet hak pertama-tama aken menjataken tjintanja.

Di dalem itoe impian ia soeda liat dirinja sendiri berada di dalem ia poenja astana di England, astana mana Haydee telah menjataken begitoe ingin maoe liat. Orang-orang pendoedoek dari ia poenja tana sama dateng mekoendjoengi ia poenja astana aken mengoetjap slamet dateng pada njonja besar, jaitoe Haydee, ia poenja istri. Ia poenja istri!

„O, djikaloe sadja toean graaf maoe lekas poelang kombali aken lepaskan akoe dari segala ini seksaan pikiran,” achir-achir Hartleigh berseroe dengen banting kakinja, seperti djoega dengen itoe gerakan ia maoe bikin antjoer itoe loekisan jang telah diliat olehnya dalem ia poenja impian.

Tapi itoe kainginan dari Hartleigh tida me-

nganter Graaf de Monte Christo kombali di astanaja, dan besok malemnja Hartleigh dapet liat lagi satoe impian, jang lebi manis lagi, jang lebi membakar pikiran, jang lebi menarik hati dari jang apa tadi telah diterangkan.

Dan apatah di dalem tempo salamanja itoe Lord Hartleigh tida membikin tjemar ia poenja perdjangdjian sendiri, jang telah dikasi pada Graaf de Monte Christo, koetika ia-ini hendak berlajar pergi, aken menoeloeng satoe sobat? Ja, djikaloe maoe diitoeng itoe senjoeman-mata, jang Lord Hartleigh tida bisa tahan, djikaloe ia ada di deketcnja Haydee. Tapi ia poenja bibir belon perna memboeka resia dari perasaan hatinja. Haydee tida bisa bilang jang Lord Hartleigh soeda perna melanggar kasopanannja sebagai saorang bangsawan, dan sebagai satoe tetamoe jang telah diper-tjaja oleh toean-roemanja, dengen bitjara tentang perkara-perkara tjinta pada istrinja toean roema ini.

Begitoelah kaadaannja hal di itoe malem, koe-
tika Hartleigh poenja setia-sobat dan katoeloesan
bangsawan dioedji dengen tjara jang paling berat.

Di itoe malem, djoestroe Hartleigh hendak masoek di ia poenja kamar tidoer, koetika satoe orang soeroean dari Haydee dateng padanja de-
neng bawa satoe soerat.

Lord Hartleigh lantes sadja soeda bisa mengarti,
dari mana datengnja ini soerat, jang ia teroes boeka
dan batja:

„Pertjintaan ada mempoenjai bahasa sen-

diri; ia tida perloe dengen perkataan-perkataan boeat mengoetjapken perasaannja. Lirikan mata jang manis, tarik napas jang dalem, pidjetan tangan jang bernapsoe, itoe semoea soeda lebi dari tjoekoep aken menoendjoeken roepanja. Akoe poenja mata memang soeda diadjar boeat meliat, dan akoe telah dapet liat. Djikaloe kaoe tida ada begitoe boeta, sabegimana moeloetmoe roepanja ada gagoe, soerat ini tida aken membikin kaoe djadi terprandjat, Boekankah di dalem kaoe poenja bahasa ada satoe oetjapan jang berkata: "Siapa jang berhati ketjil, ia-poen tida aken bisa dapet tjintanja satoe njonja elok"? Branikenlah hatimoe. dan ikoet sadja pembawa ini soerat, ka tempat mana djoega ia hendak anter padamoe."

Sasoedanja membatja ini perkataan-perkataan jang soeda tida bisa lagi diartiken sala maksoednja, Hartleigh djadi djato berdoedoek di atas satoe korsi, seperti djoega satoe kilat telah menjamber kapalanja.

Itoe soerat jang ia baroesan abis batja, ia teken di bibirnja, dan kamoedian diremes-remes di dalam tangannja.

„Akoe memang soeda doega, jang hal begini aken kadjadian," ia kata, samentara ia poenja dada berombak-ombak menoeroet gojangnja ia poenja hati. Koetika ia bangoen berdiri lagi, kringet dingin berketel-ketel di djidatnja dan ia poenja aer moeka kaliatan sanget poetjet.

Ia oetjapken brapa perkataan dengen plahan sekali, hingga tida bisa kadengeran apa boeninja, dan kamoedian ia berkata pada itoe pembawa soerat:

„Djalanhah, akoe ikoet padamoe.”

Dengan didoeloeken oleh itoe pembawa soerat, Lord Hartleigh kaloeear dari ia poenja kamar sendiri djalan di mana gang jang menoedjoe ka kamar-kamarnja Haydee.

Dengan semboeni di satoe podjokan jang gelap, Zuleika ada berdiri, dan dengan mata jang beringas lantaran sangetnja ia poenja rasa-mengiri, ia awasken sadja Lord Hartleigh liwat. Ia tida ada berboeat apa-apa aken menghalangi perdjalannja ini orang bangsawan. Koetika Lord Hartleigh soeda linjap di dalem gelap, Zuleika boeka satoe pintoe, dan bajangannja satoe orang lelaki ada kaliatan berdiri disitoe.

„Ia pergi, ia binasa,” Zuleika berkata pada ini bajangan di dalem gelap. „Na, Graaf de Monte Christo, apatah sekarang kaoe maoe pertjaja akoe poenja omongan?”

BAGIAN L.

Pemboenoean.

Lagi sakali kita ada di Rue. Palais Royal, roema nomer 24. Lontjeng menara ampir mengoe-taraken djam doeabelas malem, dan madame Hermine poenja roema maen sedeng ramenja dikoendjoe-nji oleh ia poenja langganan-langganan, lelaki dan prampoean. Teroes-meneroes pakerdjaannja madame Hermine telah mengasi banjak oentoeng. Di dalem itoe tempo ampat boelan, sadari ia telah bagi doea ratoes lima poeloe riboe franc pada ia poenja anak, aken dibikin ongkos goena melakoe-ken itoe perboeatan pembalesan jang sanget ke-djem, ia soeda dapet kombali lebi dari doea kali lipet itoe djoembla dari korban-korbannja ia poenja sarang djoedi.

Sekarang ia ada mempoenjai ampir doea mil-lioen franc, dan sebab tida maoe pertajajaken djoembla jang begini besar pada bank jang mana djoega, maka ini oeang semoea ia simpen sendiri di dalem satoe lemari besi jang ditaro di sam-ping ia poenja tempat tidoer.

Benedetto dan Baron Danglars taoe ini haj. Sasoedanja menikam soeur Marie, ini bandiet bangsa Corsicaan telah bisa minggat dari Oran dan dengen tida dapet ganggoean apa-apa dari fihak politie ia telah bisa dateng balik kombali di Parys. Di ini kota ia berdjoempa dengen ba-

ron Danglars, jang djoestroe baroe sampe dari Algiers, dan ini berdoea kawan sigra tjeritaken satoe pada lain masing-masing marika poenja perboeatan.

Marika masing-masing pertjaja betoel sekali, jang satoe-satoe marika telah melakoeken betoel kawadjiban jang dibagiken pada dirinja. Benedetto bahoea ia telah bikin Maximiliaan binasa lantaran lapar, dan Danglars bahoea ia telah bikin Albert de Morcerf mati ditembak oleh satoe barisan hoekoeman.

Begitoelah marika soeda kasi warta pada madame Hermine, jang laloe pergi ka Marseille, di mana, dengen ia poenja pande-bitjara, ia telah bisa paksa Mercedes aken tjoba memboenoe diri sendiri. Tapi di waktoe madame Hermine berlaloe dari Parys boeat melakoeken ini bagian kawadjiban, Benedetto dan baron Danglars soeda berempoekan lagi dalem satoe perkara lain.

„Na, sasoedanja sekarang kita abis boenoe bebrapa di antara Monte Christo poenja sobat sobat, apatah lagi jang kita moesti bikin?” menanja Benedetto.

„Akoe rasa, kita moesti berlaloe dari Frankryk begitoe lekas seperti bisa,” mendjawab baron Danglars, jang soeda kamasoekan minoeman keras dalem tenggorokannja, tjoekoep banjaknja boeat ia rasaken dirinja lemas dan hatinja bingoeng. „Kita orang moesti melariken diri, boekan sadja.

boeat tjangkeramannja wet, hanja djoega boeat tangan-pembalesannja de Monte Christo, jang tentoe tida maoe tinggal soeda sadja perkara ini."

„Baek, marilah kita pergi. Tapi di mana kaoe rasa paling baek kita moesti pergi?"

„Di koetika masih moeda akoe ada saorang perlajaran, akoe ada djadi supercargo dari kapal *Pharao*, di mana Edmond Dantes ada pegang pangkat stuurman satoe. Akoe sekarang ingin berlajar lagi di laoetan besar, tapi dalem akoe sendiri poenja kapal."

„Satoe kapal jang bisa berlajar tjeplet, dan disendjatai dengen banjak meriam-meriam. Dari tiangnya jang paling tinggi dikibarken satoe bendera itam, dirias dengen gambar tengkorak." Benedetto menjerang sembari tertawa. „Boekantah begitoe roepanja itoe kapal jang kaoe ingin poenjaken?"

„Ja, akoe ingin berlajar ka djoeroesan Selatan: di sana kita boleh mengoempet di selat-selat, dan toenggoe liwatnja itoe kapal kapal Inggris jang kaja, jang dateng dari Bombay dan Madras dengen moeat mas dan lain lain barang berharga."

„Bagoes sekali," memoedji itoe bandiet jang moedahan. „Akoe poen tida ada mepoenjai lain kainginan. Kaoe aken djadi kapiteinnja kapal, dan akoe aken djadi kapalanja klasi-klasi. Kaoe aken oeroes perdjalananja kapal, dan akoe aken oeroes perkara menjerang itoe kapal-kapal korban

kita. Sekarang kita melengken perloe dapet satoe kapal lebi doeloe. Harganja ini kapal, dengen semoea peralatannja, kira-kira ada satoe millioen franc. Kaoe tentoe tida ada djoembla sabegini besar di dalem kaoe poenja kantong?"

"Kaoe toch taoe, jang dari itoe saratoes doeae poeloe lima riboe franc, jang akoe telah dapet dari Hermine, sekarang melengken masih ada katinggalan kira-kira sapoeloe riboe franc sadja?"

"O, ajah pemboros," Benedetto mengganggoe dengen soeara poera-poera menggroetoe. "Akoe telah berlakoe lebi himat dari pada kaoe. Dari akoe poenja oeang masih ada katinggalan limabelas riboe franc."

"Ja, tapi ini doeae poeloe riboe franc tida ada goenanja boeat kita poenja maksoed."

"Kakoerangannja kita minta pada mamakoe jang tertjinta."

"Djangan harep kaoe bisa dapet sakepeng dari ia. Ja, salagi ia ada harep apa-apa dari kita, memang ia bisa berlakoe rojal-rojalan, tapi kaloe perloenja soeda abis, djanganlah harep bisa dapet apa apa lagi. Lagipoen boekannja satoe perkara ketjil, djoega boeat satoe orang jang tida begitoe mata-doeitan seperti kaoe poenja iboe, aken taoe-taoe moesti serahken liwat dari saparonja ia poenja kakajahan."

"Baek djoega. Djikaloe ia tida maoe serahken saparonja ia poenja kakajahan, kita ambil sendiri sadja saanteronja," mendjawab Benedetto dengan sabar.

„Apatah kaoe hendak rampas ia poenja lemari besi?” menanja si Danglars, jang merasa sedikiet terprandjat, mendengar bitjaranja Benedetto. „Djanganlah loepa bahoea ia ada iboemoe”

„Dan kaoe poenja istri. Ajolah, bapa-tirikoe, pikirlah sadja, apa boleh kita perdoeli sama perhoeboengan-perhoeboengan dara, djoestroe sekarang kita hendak djadi kaoembadjak dari Laoetan Selatan? Kaloe kaoe terlaloe lembek hatimoe aken membantoe padakoe, baeklah, akoe aken oeroes sendiri ini pakerdjaan, tapi dalem hal begitoe akoe aken pegang koeasa sendirian sadja dalem akoe poenja kapal. Kaoe boleh tjari sendiri akal boeat goenamoe.”

„Bègimana djoega, baeklah kita minta doeloe dengan baek padanja. Brangkali ia tida aken toelak sama sakali kita poenja permintaan.”

„Seperti kaoe poenja soeka sadja. Tapi dikaloe ia tida maoe kasi”

Benedetto tida teroesken ini omongan, tapi baron Danglars toch soeda mengarti apa jang ada dimaksoedken olehnja.

Sebagi hasil dari ini pembitjaraan, di itoe malem jang terseboet di permoelaannja ini bagian-tjerita, Benedetto dan baron Danglars lagi berdoedoek di Hermine poenja kamar tidoer, dan marika berdoea poenja pikiran ada lebi banjak melajang ka itoe oeang millioenan jang ada disimpel dalem madame Hermine poenja lemari besi, dari pada

katarik oleh tjerita jang diriwajatken oleh ini njonja tentang ia poenja perdjalanan ka Marseille.

„la soeda mati, mati,” madame Hermine koentjiken ia poenja riwajat. „Akoe liat ia soelet api di mana perapian areng batoe, dan kamoedian soendoet oeap berbisa jang kaloebar dari itoe api sampe ia djato pangsan di atas tana, Sasoedanja itoe baroelah akoe berlaloe. Sekarang kita poenja pakerdjaan soeda rampoeng”

„Belon sama sekali, mamakoe jang manis,” menjawab Benedetto. „Kaoe loepa jang Graaf de Monte Christo masih idoep.”

„Dan apatah maoe dibikin pada ini graaf? Kita tida bisa pikir boeat adoe kakoeatan dengen ia. Kita soeda bikin ia poenja hati moesti memikoel sengsara, djikaloe nanti ia dapet kabar tentang binasanja itoe tiga di antara ia poenja sobat sobat jang paling disajang. Tjoema inilah sadja jang kita mampoe lakoeken. Djikaloe sekarang kita maoe tjoba boenoe padanja sendiri, itoelah namanja boeang-boeang oeang dengen pertjoema.”

„Sadari kapan kaoe bisa bitjara dengen begini tjerdk?” baron Danglars mendjawab perkataannya ia poenja istri. „Sabegitoe lama kaoe masih ada mempoenjai satoe maksoed jang moesti dikaboelken, jaitoe poeasken kaoe poenja napsee pada Mercedes, soeka sadja kaoe ambil bagian dalem kita poenja oeroesan dengen kaloebar oeang modal jang perloe. Tapi sekarang kaoe poenja napsoe itoe soeda dipoeasken, lantes sadja kaoe

moendoerken diri. Kaoe pikir, dari sebab kaoe ada saorang prempoean, Graaf de Monte Christo tida aken lakoeken pembalesan atas dirimoe. Boleh djadi kaoe poenja pikiran itoe betoel. Ia aken soeroe akoe tanggoeng, boekan sadja boeat akoe poenja perboeatan-perdoeatan sendiri, hanja djoega boeat kaoe poenja perboeatan-perboeatan, sebab kaoe ada istrikoe. Benedetto dan akoe sekarang moesti lindoengken diri boeat Monte Christo poenja pembalesan dan boeat goena itoe kita perloe dapet oeang.“

„Ja,“ Benedetto menetapken omongannja ia poenja ajah-tiri. „Kita perloe dapet oeang, dan banjak sekali oeang.“

Madame Hermine lantes awasken itoe doea lelaki jang berdoedoek di hadepannja, dan dengan sakenjoeng-koenjoeng ia djadi mengarti marika poenja maksoed. Marika telah dateng di sini boeat boenoe padanja dan kamoedian rampok semoea hartanja.

Madame Hermine djadi poetjet sekali, koetika ia ingat bahoea ia soedah koentji rapet pintoenja kamar, dan bahoea tembok-tembok di antero roema ia sengadja bikin sanget tebel, soepaja soeara djangan gampang bisa menemboes, maka, maski djoega ia aken abisken semoea tenaganja aken bertreak minta pertoeloengan, tida ada satoe orang jang nanti aken dapet dengar ia poenja djeritan.

Ia laloe bangoen berdiri, djoega.

„Itoe tjerita tentang Graaf de Monte Christo melengken ada satoe akalan |sadja,“ madame Hermine kata, samentara dengen kadoea tanganja ia pidjet keras-keras ia poenja dada, seperti dengen berboeat begitoe ia hendak oempetken rasa koeatirnja. „Kaoe poenja maksoed adalah boeat dapetken oeang. Bilanglah, brapa banjak kaoe maoe dapet, dan kaloe djoembla itoe tida terlaloe besar, akoe nanti maoe kasi djoega.“

„Ada lebih gampang boeat kaoe, iboe,“ mendjawab Benedetto, „aken serahken sadja koentinja itoe lemari pada kita, nanti kita aken itoeng sendiri, brapa banjak kita moesti dapet.“

„Ja, kita nanti ambil sendiri brapa kita perloe pake,“ baron Danglars mengikoet soearanja Benedetto.

„Kaloe begitoe kamoe orang bermaksoed aken rampok hartakoe?“ madame Hermine menanja dengan kapoetoesan akal.

„Moestahil, iboe,“ mendjawab Benedetto, dengen katawa kedjem. „Boekankah toewan baron ada kaoe poenja soeami, hingga, menoeroet atoeran di ini negri, ia ada hak djoega aken toeroet trima oeang hasilnja ia poenja istri? Dan apakah akoe ini boekan kaoe poenja poetra, dan lantaran itoe kaoe poenja waris? Kita tida ada maksoed boeat merampok. Toewan baron melengken maoe ambil apa jang ia memang ada hak boeat ambil, sedeng akoe melengken maoe dapet voorschot dari apa jang di kamoe-

dian hari akoe toch moesti dapet. Begitoelah, kasi sekarang itoe koentji padakoe, dan djangan bitjara banjak banjak lagi.“

„Toeloeng ! toeloeng !“ madame Hermine mendjerit. „Ada pemboenoe di sini. Toeloeng !“

Sembari mendjerit begitoe ia tjoba mendeketi pintoe kamar, dan tjoba poeter anak koentji, jang memang masih menantjep di dalem lobangnya.

Benedetto dengan sigrah laloe djambak ramboet iboenja, dan tarik ia sampe di tengah-tengah kamar.

„O, tida, tida,“ ia berkata. „Maenan satjara begini kaoe tida bisa lakoeken di moeka kita Baron, tjobalah tjari itoe, anak koentji di badannja.“

„Ampoenlah, soeamikoe ! poetrakoe !“ Hermine menangis.

Benedetto lemparken Hermine sampe djato tjelentang di atas tana, dan iket kadoea tangan dan kadoea kakinya, sementara baron Danglars tjari itoe koentji lemari oeang, jang achir-achir kadapetan djoega di Hermine poenja dada.

„Koentji soeda terdapet,“ kata Danglars.

„Tjahaja moekanja ada sanget poetjet dan kadoea baris giginja beradoe satoe sama lain koe-tika bitjara. Ia tida begitoe söeka melakoeken ini matjem pakerdjaan, tapi, apa maoe dikata, ia poen merasa takoet pada itoe setan boeas jang telah dilahirken oleh madame Hermine.

„Baeklah ; boeka itoe lemari dan kasi kaloe ar sa-adanja oeang jang ada di sitoe.“

Baron Danglars toeroet ini prenta, dan lekas

djoega, di atas djoebin dari itoe kamar ada ber-toempoek-toempoek kantong-kantong jang berisi oeang mas dan goeloengan-goeloengan oeang kertas.

„Akoe soeda dapet semoea oeangnya,” Danglars melapor lagi. „Sekarang kaoe boleh le-pasken ia.”

„O, kasilah akoe idoep, Benedetto; kasilah iboemoe idoep,” menangis si Hermine, jang tida brenti membrontak aken lepaskan dirinja.

„Ja, soepaja kaoe bisa serahken kita pada politie,” berkata Benedetto, samentara ia tindes dadanja ia poenja iboe dengen loetoetnja, samentara tangannja jang kanan menjek leher-nja itoe prampean. „Ha, akoe belon ada begitoe bodo, sabagimana kaoe ada kira. Apa kaoe aken perdoeli jang kita orang ada soeamimoe, ada poetramoe? O, sabagitoe lekas seperti bisa kaoe aken toeloeng kirim kita ka tiang pegantoengan.”

„Ampoenlah, Benedetto, ampoenlah.”

„Inilah ada roepanja ampoen jang kaoe pan-tes dapet.”

Sambil berkata begini Benedetto tanemken ia poenja stiletto — itoe stilletto jang soeda ditjeloep di dalem daranja begitoe banjak korban — di-dalem dada iboenja. Satoe semprotan dara ada menjemboer dari itoe loeka.

„Anak binatang. . . . !” mengeloeh mada-me Hermine.

„Inilah, bikin tamat ini lelakon,” Benedetto bilang pada Danglars samentara lemparken sen-

djatanja ka djoeroesanja ia poenja bapa-tiri.

„Akoe tida bisa. . . akoe tida bisa!” ia ini menangis sambil toetoepi moekanja dengen ia poenja kadoea tangan.

„Binatang, kaoe moesti,” memerenta lagi Benedetto, samentara ia kasi kaloear ia poenja pistol jang dipasang pelatoeknja. „Kaoe moesti toeroet bagi akoe poenja kadjahatan, kaloe tida nistjaja akoe bikin antjoer kaoe poenja otak.”

Ia toedjoeken ia poenja sendjata api ka djoeroesannja Danglars poenja kapala.

Ini orang jang terseboet blakangan, dengen moeka poetjet sebagi mait dan dengen goemetar di sakoedjoer badannja, dengen madjoe-moendoer poengoet itoe piso tadjem.

„Apalah kaoe ingin akoe bikin abis kaoe poenja njawa?” menggertak lagi Benedetto, koetika ia liat baron Danglars masih sadja berlakoe sangsi.

Seperti orang mabok Danglars djalan sempojongan ka tempatnja madame Hermine menggleetak di atas tana, dengen mandi di dalem daranja sendiri. Sasampenja di sini ia meramken ia poenja kadoea mata dan laloe tikamken itoe sendjata di dalem hatinja itoe prempoean jang bertjlaka.

„Kaoe djoega, soeami?” Hermine masih bisa menanja.

Dan belon sameniet kamoedian ia soeda dia di mait.

Oedjian jang pengabisan.

Graaf de Monte Christo telah kasi pada Albert de Morcerf brapa roepa prenta, dan sasoedanja atoer begitoe, ia laloe brangkat ka Parys boeat kombali ka Janina.

Di dalem ini perdjalanan ia singga di Treport, boeat tanja keterangan, apatah Maximiliaan soeda sampe dengen slamet, dan djoega, apatah ia soeda dapetken kombali ia poenja istri.

Ia telah dapetken berdoea soeami-istri lagi doedoek berdampingan di itoe bangkoe batoe di deket pante, dengen mata mengawaskens ka Laoetan Inggris, sabegimana marika djoega ada berboeat di permoelaannja ini tjerita, pada waktoe sabellonna Benedetto djalanken ia poenja akal aken pantjing Maximiliaan dalem ia poenja djebakan.

Graaf de Monte Christo poenjadateng oleh marika disamboet dengen treakan girang. Tapi Graaf de Monte Christo tida tinggal lama di ini tempat singgahan, tjoema tjoekoep lamanja aken dengar kabar tentang meninggalnya toean de Villefort, dan tentang tjaranja Valentine soeda didapetken kombali oleh ia poenja soeami. Kamoedian ia soeroe Maximiliaan dan Valentine pergi ka Parys, boeat menjampoer dengen Mercedes dan Albert di sana, dan boeat toenggoe ia sendiri poenja dateng di itoe kota bersama sama Haydee.

„Albert ada pekerdjaan sedikiet jang ia moesti lakoeken boeat akoe,” achiRNA Graaf de Monte Christo bitjara pada Maximiliaan „Pegilah kaoe membantoe padanja. Akoe tida ada tempo aken kasi keterangan padamoe dengen pandjang, tapi sasampenja kaoe di Parys, tentoelah kaoe nanti aken bisa dapet kabar dari Albert sendiri. Dan sekarang sobat-sobatkoe, akoe moesti lantes brangkat; Haydee ada menoenggoe datengkoe dengen sama-sama tida sabarnja seperti Valentine doeloe menoenggoe datengnja Maximiliaan, sedeng akoe poen ingin lekas sampe di roema aken bertemoe dengen Haydee dengen sama-sama tida sabarnja, seperti Maximiliaan doeloe ingin berte-moe dengen Valentine. Akoe tida bilang „Slamet tinggal”, hanja melengken mengoetjap „sampe katemoe lagi”. Lekas kita nanti aken berdjoempa kombali di Parys.

Maximiliaan dan istrinja ingin sekali bisa tahan graaf kita sampe bebrapa hari lagi, kerna ada begito banjak perkara-perkara jang marika hendak tjeritaken, dan lagi marika ada merasa mempoen-jai oetang boedi pada ini orang bangsawan jang moesti dibales, tapi, dari lantaran Graaf de Monte Christo, maskipoen diboedjoek dengen banjak perkataan-perkataan manis, hatinja masi teroes berkeras hendak lantes teroesken perdjalanannja ka Janina, begitoelah orang tida bisa berboeat lain dari pada menoendjoek pada itoe kainginan. Tapi sabelonnja graaf kita diidinken brangkat,

lebi doeloe ia moesti trima dirinja dipeloek sampe beroelang-oelang kali oleh Maximiliaan dan istrinja, dan djoega oleh Julie Herbault.

Perlajaran ka Janina kadjadian dengen slamet. Di tengah djalan tida ada kadjadian apa-apa jang perloe diriwajatken. Koetika Graaf de Monte Christo sampe ia poenja astana, lotjeng menara soeda lama mengoetaraken djam doeabelas tengah-malem. Sakoetika itoe djoega ia laloe tjari pada Zuleika, bilang pada ini poetri, bahoea ia soeda trima soeratnja dan kamoedian, seperti di bagian moeka dari ini tjerita kita soeda liat, oempet-ken dirinja di blakang pintoe corridor,

„Apatah sekarang kaoe maoe pertjaja omongan-koe?” Zuleika mengoelangken pertanjaannja, samentara dengen tangannja ia menoeding ka djoeroesannja lord Hartleigh poenja bajangan mengilang di oedjoengnja itoe gang.

Graaf de Monte Christo pegang Zuleika poenja tangan.

„Marilah ikoet akoe,” ia kata dengen soeara berbisik, „kaoe nanti aken alamken satoe kadjadian jang aken membikin kagoem hatimoe.”

Dengen tida bersoeara marika ikoetken itoe djalan jang baroesan diliwatken oleh lord Hartleigh dan sampe di pintoe kamarnja Haydee marika mengoempet di blakang itoe klamboe bloesdroe, jang baroesan lord Hartleigh telah dјatoken lagi, sasoedanja ia sendiri telah liwat.

Di atas satoe medja dari marmer, di pertengahannja itoe roeangan ada satoe lampoe, jang ditoetoep dengen kap merah moeda. Sinarnja ini api jang katahan oleh kap itoe, mementjarken tjahaja oengoe-moeda di dalem itoe kamar. Sabegimana roepanja memang soeda djadi biasa di negri Timoer, poen di dalem ini kamar dari prinses Haydee ada banjak fontein ketjil jang terisi dengen aer wangi, dan jang membikin itoe kamar penoe dengen baoe-baoean seperti di kajangan.

Djoebinnja itoe kamar tida bisa kaliatan lantaran katoetoep oleh permadani-permadani jang aloes, lebi aloes dan lebi tebel dari bloesdroe, hingga segala katindakan djadi tertjegah soearanja di atas sitoe.

Tembok-tembok ada digantoengi gambar-gambar mahal, jang semoea atawa ampir semoea ada menoendjoeken loekisan-loekisan pertjintaan. Di sampingnya ini kamar besar ada doea kamar jang ketjilan, dan jang ditoetoep oleh klamboe dari soetra poeti jang tipis. Menemboes klamboe jang tjoema tipis ini, orang bisa dapat liat dengen njata. bahoea di dalem itoe kamar ketjil jang sebla kanan ada satoe koelam jang terbikin dari perak antero, dan jang terisi penoe dengen aer wangi. Dalem koelam ini Haydee bisa mandi pagi. Sedeng itoe kamar ketjil jang satoenja lagi ada ia poenja tempat tidoer.

Sabelonnja ini Haydee belon perna masoek dalem ini kamar; poen ia belon perna dapet liat Haydee seperti di itoe tenga-malem. Djikaloë djoega ia poenja pikiran tida djadi melajang lantaran pengaroenja itoe tjahaja-api jang oengoe moeda dan baoe-baoean jang sedap di dalem kamar, Haydee poenja roepa jang loear biasa bergenmilangnya soeda sampe tjoekoep akan bikin ia djadi satengah-gila.

Haydee ada pake satoe badjoe loear dari soetra poeti dan badjoe ini dipakenja dengen longgar sadja memboengkoes badan seperti tjaranja orang pake kimono. Itoe soetra jang aloes djato di sapoeternja badan dengen terang mengasi oendjoek boender-boendernja badan ini. Ramboetnja dilapas, hingga ia poenja moeka kaliatan seperti satoe pigoera jang elok dalem lijst item. Satoe bintang dari batoe permata ada berkilap di atas kapalanja; satoe kaloeng dari inten ada dipake di lehernja dan lain-lain perhiasan batoe permata ada berkredep di tangannja, di djeridjinja, pendek sakoedjoer badannja roepanja seperti mengloarkan tjahaja api.

Haydee lagi doedoek saparo berbaring di atas satoe divan pendek, dan koetika ia liat Hartleigh menjamper, ia memesam

„Kaoe, orang bangsa Oetara.” ia kata, „tida soeka liat njonja-njonja mengisep pipa, dan lantaran itoe maka akoe poen aken singkirken akoe poenja nargileh. Akoe tida kira jang kaoe aken

loeloesken akoe poenja oedangan dengen begitoe tjepat. Tjoba akoe taoe itoe, pastilah akoe tida aken ambil ini nargileh kamar.

Dengen gelagapan Hartleigh mengoetjap brapa perkataan, jang sama sekali tida bisa didengar apa artinja. Kringet dingin jang mengoetjoer di djidatnja menoendjoeken bahoea ia lagi melawan napsoe hatinja dengen kakoeatan jang loear biasa besarnja.

„Apatah kaoe tida maoe dateng lebi deket kamari?” menanja Haydee. „Itoe bangkoe ketjil di deket akoe poenja kaki. Akoe ada poenja banjak tjerita jang moesti disampeken padamoe, tapi tida bisa laloeasa bitjara, djikaloe kaoe tinggal begitoe djaoe.”

(Ada brikoetnja).